



湖南苗防屯政考

ワ邊4
1.332
7



門 7 4
籍 1332
卷 7



湖南苗防屯政考卷五

林立心督兵二品銜前署湖南辰永沅靖道但湘良纂

均屯一

會奏苗疆修建碉卡均田開屯為邊備經久之計摺

嘉慶六年
湖廣總督書麟
湖南巡撫祖之望

奏為會籌苗疆邊備經久之計漸撤畱防裁減經費仰祈

聖鑒事

臣等伏思理苗之道不外勦撫兩端防邊之策務使兵民相閒
屯以衛民衛以實堡有屯堡以資生聚尤必有碉卡以固防維均
田屯勇寓兵於農而後民氣日固兵威日壯加以約束苗弁明示
勸懲庶可漸臻馴服久遠相安其間三廳情形各有不同而辦理

湖廣通志卷五
必須畫一鳳凰廳自嘉慶二年正月以後先於後路安設壘堡次於沿邊安設碉卡經同知傅鼐僱募匠夫勸諭丁勇陸續修建沿邊裏圍各路碉卡哨臺八百餘座牆壕百有餘里鎮守鎮守富志那督率將備弁兵幫辦沿邊既已布置嚴密因得收復廳屬十一約民田除給各戶復業耕種外士民皆知恃邊自衛情願呈出歸公田地二萬餘畝作爲丁勇屯耕守禦之計該同知傅鼐會同委員候補布政司理問姚興潔等清理丈量僅數丁勇四千人分授屯種查該廳係苗疆咽喉爲辰浦瀘麻屏障沿邊二百數十里碉卡林立必得兵勇六千人方敷更代防守即可裁去鄉勇鹽糧撤退畱防官兵其餘不敷分授之田擬於該同知代爲清理資給復

業貼近鳳屬之瀘溪麻陽各民戶內酌量均出撥補卽飭該同知會同瀘麻二縣妥協經辦乾州自灣溪汛至強虎哨與鳳凰廳右營苗寨毗連亦爲喫重經該協阿林布會同該廳閩廣居添建碉卡尙有應行增修嚴密挑築濠牆之處亦應一律均田練勇以實邊防其永綏一廳今昔情形不同現擬扼要移駐另摺奏請

訓示俟欽奉

諭旨後與古丈坪保靖等廳縣一體籌酌辦理等統會全局公同熟商如此布置周密聯絡聲勢所有畱防兵勇擬於本年二三月間先撤添防官兵一千名四五月春耕後再撤添防鄉勇一千五百名秋收後將原防兵勇次第盡數裁撤其土塘苗兵二萬名原係

從前畱防苗兵內裁減之數爲羈縻窮苗起見俟邊防完固永綏措置妥協後陸續全行減撤一切屯丁牛具籽種房屋修費酌量緩急通融撥借毋庸請項開銷其建立碉卡處所及均田屯勇章程統俟辦理完竣之日分別奏咨立案以垂久遠臣等札牘往來熟商畫一定議是以繕奏稍遲合併陳明謹

奏嘉慶六年正月十七日奏奉

硃批因時制宜務期妥協兵勇應否裁撤總以苗疆安靜爲度節省數月錢糧殊不足計欽此

附奏請鼓勵辦理均屯廳員委員片

嘉慶六年

湖廣書 麟

再查楚省苗疆沿邊七百餘里建碉馭苗均田屯勇頭緒紛繁必須文武同心兵民協力方收成效鎮協廳營各有分守惟辰沅兵備道統轄苗疆爲總辦善後之員非深得兵民之心爲苗人畏服者難冀悉臻完善該道鄭人慶曾在苗疆軍營辦事尙爲諳悉苗情究恐一人照料未能周而鳳凰廳同知傅爾係欽奉

恩旨照知府食俸遇有苗疆道缺准與陞補之員該員克勝艱鉅不避勞怨能得兵民心力應責成該員幫同該道往來督率獨總其成務於二年之內竭力妥辦完竣此外尙有升任之宜章營參將王

文選候補布政司理問姚興潔湘鄉縣丞胡如沅俱久在苗疆勸辦礮卡均田各事宜均能不辭勞瘁奮勉出力相應奏懇

聖恩量加鼓勵仍飭該員等協同各廳縣文武員弁分任其事如果實

心經理邊圍鞏固俟撤防後一切妥協再行奏請逾格獎擢倘三廳營縣文武員弁及委員等辦理不能妥善亦即分別嚴參治罪俾知勸懲合併奏

聞謹

奏嘉慶六年正月十七日奉

硃批傅爾實好朕亦知其官聲統俟奏到時再降恩旨欽此

會奏籌議苗疆邊備情形酌撤畱防兵勇摺

嘉慶六年

湖南巡撫馬慧裕
湖南總督吳熊光
湖南提督王柄

奏為會籌苗疆邊備情形酌請裁撤畱防兵勇減省經費仰祈

聖鑒事竊照湖南苗疆前於戡定之後原設畱防兵四千餘名並續募

鄉勇三千八百二十名嗣於嘉慶四年查辦苗匪吳承受案內復調募添防兵一千名鄉勇一千五百名節因窮苗間出滋擾未便遽行議撤數年以來經鳳凰廳同知傅爾實於所屬沿邊圍建礮卡修理牆濠並均田屯勇為經久更守之計其乾永等處亦經會籌辦理本年正月內經前任督撫臣書麟祖之望與臣王柄統會全局公商布置奏請於二三月閒先撤添防兵一千名四五月春耕

湖南苗防司政考

卷五

均屯一

四

後再將添防鄉勇次第盡數裁撤欽奉

諭旨因時制宜務期妥協兵勇應否裁撤總以苗情安靜爲度節省數月錢糧殊不足計欽此嗣因本年三月內貴州苗匪滋事楚省正當防堵喫緊復經臣馬慧裕奏明暫緩裁撤欽奉

諭旨著俟黔省剿捕事竣楚省苗情安靜時馬慧裕再行酌量情形奏明以次裁撤等因欽此仰見我

皇上垂厯邊防輕重緩急之間權衡悉歸至當茲黔省剿捕事宜早經完竣而楚省雞籠等寨大加懲創之後眾苗咸知斂跡本年三廳收成實有八九分據報地方甯帖自應酌量裁撤以節糜費隨咨行鎮道廳協確核情形會商分別裁撤緩撤酌議請奏前來查三

廳地方鳳屬苗情較爲兇悍而沿邊二百三十餘里地方遼闊原續畱防兵勇爲數較多前據傅甯酌籌均田屯守必得六千人方敷更代因均出田畝不敷分給據稟附近該廳之瀘溪麻陽民戶田畝先經該同知代爲清理得以復業情願均出歸公經前任督撫臣書麟等奏明酌量均補資屯旋值籌堵黔匪未及會同查丈茲通盤籌計尙有不能一時並撤之勢應卽就鎮筸鎮標增募新兵八百名並奏准移駐官兵先經派撥抵邊頂撤添防官兵一千一十二員名歸伍並將添防鄉勇一千五百名全數撤歸屯田辦理其原防官兵一千八百八十一員名鄉勇二千二百二十名仍暫行畱守飭令將均田事宜趕緊辦竣俟明年春間分授定局再

行酌量情形分別撤伍歸屯至乾州廳所屬苗情大局馴順現在酌籌增築碉卡均田練勇亦未便全行裁撤應將原防官兵一千四十五員名鄉勇一千名先各減撤二百名餘俟明春察看苗情安靜再與鳳凰廳原防兵勇一體陸續議撤又麻陽縣屬之橋頭卡原防官兵五十一員名該處係在後路之後毋庸再行留駐應卽撤令歸伍以上共撤原續留防官兵一千二百六十三員名鄉勇一千七百名均於本年九月初一日住支鹽糧其永綏廳屬原防官兵八百五十五員名鄉勇四百名保靖縣原防官兵二百八十二員名各該處苗情雖均屬安靜但永綏現議移建保靖逼近永綏下七里苗寨尙須兵勇巡防彈壓擬俟移建事竣再行酌量

裁撤以昭慎重其土塘苗兵二萬名原爲羈縻窮苗起見仍請照依原奏俟邊防完固永綏措置妥協後陸續減撤臣等遠諮近察往返函商酌籌定議旣於經費可以節省而於邊防無慮空虛仍隨時督飭文武員弁鎮靜隄防無縱無擾並駕馭苗弁拊循約束俾民苗樂業永遠相安以期上副

聖主

綏輯邊陲至意再本年黔苗滋事楚邊設卡防禦前經奏明鳳凰廳沿邊添設三十卡於土塘苗兵內挑選一千名分布堵守並另挑附近苗兵五百名帶領接應巡查後卽隨同剿捕雞籠寨匪苗又永綏沿邊茶洞等十六處添撥兵勇四百九十名苗兵一千五百四十名分卡布置均於三月二十一四月初一等日起加給鹽

糧已於四月二十五月初七五三六月初一等日先後裁撤
停支另將起支鹽糧日期造冊咨部查核合并陳明謹
奏奉

硃批卽有旨欽此又奉

上諭吳熊光等奏會籌苗疆邊備情形酌請裁撤畱防兵勇減省經費
一摺據稱黔省剿捕事宜早經完竣而楚省雞籠等寨大加懲創之
後眾苗咸知斂跡現在地方甯帖請將鳳乾屬原續畱防官兵一千
二百餘名鄉勇一千七百名先行裁撤其永綏廳等屬原防兵勇暫
畱彈壓俟陸續再行減撤以昭慎重等語湖南三廳地方苗情旣屬
安靜所有前項畱防兵勇原可量加裁撤但苗情反覆無常前此見

官兵鄉勇分投駐紮嚴密防範自必心存畏懼不敢生事倘兵勇裁
撤之後故智復萌潛出搶掠又須撤調他處兵丁而鄉勇裁撤之後
復行僱募轉爲費力並恐裁撤之鄉勇未能安置得所均須慎重辦
理據摺內稱現撤原續畱防兵勇均於本年九月初一日住支鹽糧
其各處未撤之兵勇尚多著吳熊光等酌量情形如屯田不敷分給
仍須暫行畱駐分防卽多費數月鹽糧亦所不計總應查看苗情實
在安靜帖服可以放心再將各處兵勇陸續裁撤毋庸亟亟也將此
諭令知之欽此

湖南苗匪平定考 卷五 均屯一

會奏苗疆均田輿情踴躍摺 嘉慶八年

湖廣總督吳熊光
湖南巡撫高 杞

奏為會查苗疆辦理均田輿情踴躍遵

旨覆奏仰祈

聖鑒事竊臣等於十月間因初彭齡在貴州具奏楚省移駐永綏廳協

及辦理均田屯勇尚須再行妥議欽奉

諭旨令將移駐事宜會同黔楚督撫體察籌議並均田一事是否輿情

所願亦著一併妥議等因欽此除永綏廳協業經內移民苗安靜毋

庸再議更張惟黔邊要隘處所應行遵

旨添設汛堡各事宜現已札商黔省督撫俟覆到日另容具奏外其均

湖南苗方屯改考

卷五

均屯一

田一事臣高杞抵任後當將節次體訪情形並將現辦均田著有成效各緣由業經覆奏在案臣等伏思均田一事固專爲衛民起見然小民每多顧恤目前產業倘因官爲督率稍涉勉強卽非固圉安民之善策當復札飭該道廳等悉心籌酌並一面詳加體訪查得楚南苗疆東南北三面周圍七百餘里乾隆六十年匪苗滋事如鎮筸之上下五峯乾州之灣溪鎮溪永綏之花園茶洞瀘溪之天塘踏虎麻陽之高村巖門以及保靖之四都古丈坪之龍鼻嘴等各路民田或被佔據或蹂躪不可勝計自大兵戡定後復於沿邊寸節修建堡礮卡哨臺關門環以兵勇邊民始得漸次復業耕種惟是

國家經費有常防邊兵勇不能久而不撤遽行裁回則邊備空虛該處紳士兵民等於廢復情形均所身親目擊咸知身家非礮卡不能保護礮卡非練勇不能駐守練勇非屯田不能養贍是以一經傳聞及辦理邊防之文武各員就近勸諭紳士兵民於復業各田內酌量均出以贍丁勇無不踴躍樂從各就地方情形秉公安設鎮筸一路自與黔省交界之亭子關落潮井起東北至曬金塘舊司坪止邊長路雜處處與悍苗接壤共設礮卡八百餘座計挑選防守及備戰練勇六千名每名分別等次量授田四五六七畝不等共需田三萬餘畝而鎮筸各民戶所均並近邊清出之田統計止得二萬餘畝其不敷田一萬餘畝經前督撫臣書麟祖之望暨

臣吳熊光會同前撫臣馬慧裕先後奏明卽在同資礮卡保障之麻陽瀘溪二邑酌量分均旋於各聖均出田二千九百餘畝又於瀘邑各聖均出田二千五百餘畝外尙少田四千五百餘畝復據該二縣士民呈請應於麻邑之河西河東暨上下鄉並瀘邑之浦市等處合力同均以補鎮筸之不足又乾州自強虎哨灣溪起至喜鵲營止共設礮卡九十餘座募勇六百名約需田三千餘畝卽於乾州東南北三鄉內一體均給耕守又保靖縣境內自保安汛起至萬民溪止設礮卡四十餘座募勇三百名約需田一千五百餘畝古丈坪境內設礮卡十餘座募勇一百名約需田五百畝該二處山多田少恐均不足數卽就近查明苗典內地民田籌款贖

回按數分給至永綏廳協現已移駐花園茶洞此一路田土本屬無糧前因汛少兵單苗人越界佔種今已安設營汛建礮築堡酌挑壯勇二千名分布防守俾痞苗無從入邊強佔將田土清丈分給各勇並現在邊內之向化良苗一體屯耕防守以歸周帀臣等竊思安邊之法除屯田之外別無長策在邊民逼近苗巢者固樂以有餘之產業而杜無窮之後患卽離苗較遠及散處後路者亦知唇齒相依衛外卽所以安內且所挑壯勇皆係各廳縣土著民人並非外來戍卒其得授田而耕者非捐戶之親族卽本戶之子弟名爲均畝歸屯而實與各種己業無異卽瀘麻二邑距邊稍遠之處丁勇不便往耕仍交本戶佃種酌量輸租亦不過分資餘粟

藉以保其藩籬此外如近邊無糧墾田及贖回苗典民田輸之於公亦祇官爲經理與各處均出田畝一律分勇承耕官吏不能藉以侵漁而丁民實可永資耕守並各該壯勇等旣久效力於邊防復皆嫻習於武藝倘使資生無策必致管束爲難是屯田非僅以固圉并足以收數千百族貧民轉爲駕輕就熟之用是以上年偶有乾麻二處生監以圍於私見欲圖控阻及曉以大義隨卽悉願均輸現有乾州麻陽瀘溪等各屬士民多人親至臣高杞衙門具呈以前此尚有一二人之撓阻恐掩眾百姓之公忱呈詞剖白均極懇切真誠當卽傳進逐加面詢僉稱屯勇原爲保護我等百姓卽使均出養贍官兵也是情願何況屯勇原就是我們眾百姓親

族子弟自種自守稍有知識者斷無不感激樂從因曉得有麻陽乾州生監幾人前來控阻反將我等眾百姓公心理沒特行具呈剖辯等語隨用好言獎勵並告知事竣尙當奏請分別加賞以爲義敦守望者勸該士民等無不歡欣叩感而去臣等除一面札飭傳勇將未均田畝趕緊妥協辦理俟一律均足另將丁勇田數詳細造具清冊並酌定經久章程一併送部查核外所有臣等會議緣由謹會同恭摺覆

奏

苗疆辦理均田情形片
 嘉慶八年
 湖廣總督 吳熊光
 奏
 為 奏為 苗疆辦理均田事宜業經撫臣高杞會列
 銜恭摺具奏
 欽奉
 硃批 總期行之有效不病民為要造冊不可疏漏亦不可冒濫欽此又
 於除屯田外別無良策句旁奉
 硃批 此是古法行於今果合宜否欽此由撫臣高杞恭錄移知前來
 跪讀之後仰見
 皇上 屢念苗疆諄諄訓示總期民苗永遠相安至意查苗人種類本殊
 世守其地與漢民界限劃然即有匪苗偶爾不靖亦不過於附近
 民地乘隙搶掠從不敢遠離巢穴較之教匪四處奔竄隨地可以

覆奏苗疆均田情形片

嘉慶八年

湖廣總督 吳熊光

再湖南苗疆辦理均田事宜業經撫臣高杞會列銜恭摺具奏

欽奉

硃批總期行之有效不病民為要造冊不可疏漏亦不可冒濫欽此又

於除屯田外別無良策句旁奉

硃批此是古法行於今果合宜否欽此由撫臣高杞恭錄移知前來

跪讀之後仰見

皇上屢念苗疆諄諄訓示總期民苗永遠相安至意查苗人種類本殊

世守其地與漢民界限劃然即有匪苗偶爾不靖亦不過於附近

民地乘隙搶掠從不敢遠離巢穴較之教匪四處奔竄隨地可以

均屯

均屯一

三

聚脅句結者情形迥別是以制苗之法止須固我藩籬遏其出擾之路則如獸歸檻中莫能肆其奔突計自元年底定後於苗疆東南北三面寸節修建壘堡礮卡環以兵勇沿邊居民始得復業耕種惟是兵勇未能常設一經裁撤則邊備空虛又恐匪苗出而滋擾惟有練勇屯田可以久安常處前經同知傅鼐等勸諭士民於復業各田內酌量均出以贍丁勇臣以該同知所稟乃係以民衛民舍此實別無長策但辦理必須持以公允斷不可假手胥役致有抑勒需索之事屢經札囑撫臣高杞就近密行稽查勿任高下其手稍滋弊混現在均出之田已有二萬數千餘畝所短不過十之一二兩年以來並無赴臣處控告者似尚不致病民臣仍留心

察訪如地方官有奉行不善致胥役從中勒索者經臣訪聞或控告到臣查審確實立即嚴參斷不敢稍任滋擾至永綏移建一事前撫臣馬慧裕等商定摺稿來會臣銜時適值臬司成甯審案到襄又鎮臣富志那進京過彼臣面向詳晰詢問僉稱實有不能不移之勢是以臣即行會奏去冬今春復遍加體訪知該廳移出後西路黔省之桿子坳石花芭茅坪一帶緊接楚苗未免著重該處原設堡礮尚須酌量增改以期一律周匝而嚴戍守撫臣高杞已札商黔省督撫俟覆到日再行具奏因蒙

垂訓理合附摺具

奏

（Faint, mostly illegible text in vertical columns, likely bleed-through or ghosting from the reverse side of the page.)

部覆議准分授均田鄉勇並現有生業苗兵住支鹽糧咨嘉慶

九年十二月准咨

戶部為遵

旨議奏事內閣鈔出湖廣總督吳熊光等奏鳳凰等廳分授均田鄉勇

並現有生業苗兵住支鹽糧工食等因一摺嘉慶九年十一月初

五日奉

硃批

該部議奏欽此欽遵鈔出到部據奏稱鳳凰乾州永綏三廳地方惟鳳凰廳苗疆咽喉最為緊要該廳沿邊二百數十里共建碉卡八百餘座原議屯丁六千名更代防守每丁量授田五六七畝不等共需田三萬餘畝除鳳凰屬民人呈出二萬餘畝分授勇丁四

湖南首陽中政考

卷五

均屯一

百

湖南苗防屯政考 卷五
千名屯種外不敷之田在於貼邊鳳屬同資礪卡保障之麻陽瀘溪二縣酌量分均其乾州等處各在本境一律均田屯勇茲據該同知傅爾稟稱麻陽瀘溪均出田一萬餘畝業已丈收五千餘畝分給鳳凰廳原畱鄉勇一千八百一名歸屯乾州先經報均一千五百畝亦已丈收分給原畱鄉勇三百名歸屯二共計歸屯鄉勇一千三百八十一名本年秋收豐稔授田歸屯各兵丁口食有資若仍與未經授田歸屯鄉勇一體支食鹽糧無所區別應請核實住支以示平允其餘未經丈收之田及古丈坪保靖縣原議屯勇四百名應均田二千畝次第償辦惟永綏廳一路原議酌挑勇二千名分佈防守現須丈清田畝分給民勇並居住邊內之向化良

苗一體屯耕防守逐細造冊挑丁分給未便稍有疏漏舛錯期於來年秋收後全局報葢至裁存土塘苗兵令其開山種地撙節工食所餘買牛置具漸次安頓應將現可耕種謀生之土塘苗兵酌減工食以節糜費鳳凰廳裁減二千二百名乾州永綏各裁去一千二百名古丈坪廳裁去一百名保靖縣裁去三百名共計裁去五千名由司道會議具詳前來臣等伏查苗疆酌畱鄉勇及土塘苗兵截至嘉慶八年止實存鄉勇三千五百二十二名土塘苗兵一萬四千九百三十六名原因均田未竣鄉勇未經授田窮苗又無可謀生驟難裁撤是以各按奏定章程支食鹽糧工食今鳳凰乾州二廳有已經丈收之田先得陸續分授各丁歸屯口食有資

湖南苗匪中書 卷五
其土塘苗兵亦經該廳弁令其開山種地漸次安置得所實可自謀生業不致流而爲匪臣等覆加體察均係實在情形應將已經授田歸屯勇丁一千三百八十一名及現有生業之土塘苗兵五千名均於本年十一月初一日住支鹽糧工食以節糜費所有未經授田鄉勇二千一百四十一名及裁存土塘苗兵九千九百三十六名仍照奏定原案分別支給鹽糧工食統俟來年均田全竣另議裁撤並妥議屯務章程奏咨立案等語臣等伏查湖南省鳳凰等廳苗疆地方平定之後撤回官兵酌留鄉勇三千八百二十名並安設土塘苗兵二萬名分別給與鹽糧工食藉資防守嗣經該督撫續議均田全竣次第裁撤欽奉

諭旨兵勇應否裁撤總以苗情安靜爲度節省數月錢糧殊不足計等因是以截至嘉慶八年正月除陸續裁撤外尙存鄉勇三千五百二十二名苗兵一萬四千九百三十六名所需鹽糧工食照舊支銷在案今據該督等奏稱麻陽瀘溪二縣均出田已丈收五千餘畝分給鳳屬原留鄉勇一千八十一名歸屯又乾州廳原議屯勇六百名需田三千餘畝先經報均田一千五百畝亦已丈收分給原留鄉勇三百名歸屯共裁去鄉勇一千三百八十一名於本年十月初一日住支鹽糧等語查前項鄉勇旣已授田歸屯口食有資因以守禦苗疆裁去鹽糧於經費邊防兩有裨益自應照該督所奏辦理其原存土塘苗兵經該廳縣督率苗弁令其開山種地

湖南臨武縣志 卷五
二
擗節工食所餘買牛置具現有五千名可以耕種謀生於本年十月初一日住支工食等語查原議土塘苗兵本爲收養窮苗起見今開山種地現有五千名可以耕種謀生既已養贍有資自無庸給與工食亦應如該督所奏辦理仍令該督等將現存鄉勇二千一百四十一名苗兵九千九百三十六名仍令照例支食鹽糧工食造入報銷案內題報查核至稱鳳凰廳原議屯丁六千名更代防守每丁量授田五六七畝不等共需田三萬餘畝除鳳屬呈出二萬餘畝分授勇丁四千名歸屯外其不敷之田在於貼近鳳屬麻陽瀘溪二縣酌量分均古丈坪廳屯兵四百名永綏廳壯勇二千名所需地畝各該處尙須丈清期於來年秋收後全局報歲另

議裁撤等語應令該督等轉飭該廳將各處未均田畝趕緊清丈分給鄉勇歸屯俟兵勇全撤之日安定章程分別造冊奏咨立案以固邊圉而垂久遠是否有當伏候

皇上訓示遵行謹

奏嘉慶九年十一月十八日奉

旨依議欽此

奏苗人呈繳佔田請給良苗耕種納租作為苗兵工食摺
嘉慶十年
 湖南巡撫阿林保
 奏為苗人震懾兵威繳出強佔田畝分別籌辦以固邊圉而垂經久
 恭摺奏祈
 聖訓事竊臣接據傅爾臬稱查嘉慶元年平苗善後案內經前任四川
 總督和琳奏明將查出逆苗叛產並客民插花地畝分給無業窮
 苗耕種以杜奸民煽惑之漸而堅苗民感畏之忱乃當日並未逐
 一查明分別清給凡有前項田土悉為強苗侵霸窮苗未得稍沾
 餘潤而桀驁兇苗輒恃其田多糧廣力能勾結窮苗每生反側之
 心其無業苗人衣食無資往往私出搶竊每易聽糾滋事即如此

奏苗人呈繳佔田請給良苗耕種納租作為苗兵工食摺
嘉慶十年
 湖南巡撫阿林保

奏為苗人震懾兵威繳出強佔田畝分別籌辦以固邊圉而垂經久

恭摺奏祈

聖訓事竊臣接據傅爾臬稱查嘉慶元年平苗善後案內經前任四川

總督和琳奏明將查出逆苗叛產並客民插花地畝分給無業窮
 苗耕種以杜奸民煽惑之漸而堅苗民感畏之忱乃當日並未逐
 一查明分別清給凡有前項田土悉為強苗侵霸窮苗未得稍沾
 餘潤而桀驁兇苗輒恃其田多糧廣力能勾結窮苗每生反側之
 心其無業苗人衣食無資往往私出搶竊每易聽糾滋事即如此

次勦辦永綏八里逆苗石宗四名下已查有侵佔各寨田地一千餘畝其餘各犯亦多有侵佔之田以致煽誘窮苗蓄謀滋擾此其明證現在分別清查卽照叛產歸公另佃良苗耕種正在查辦間旋據各里苗守備龍八月龍長官及苗千把外委行營寨長千百餘人前來叩見僉稱此次勦除積惡良苗各得安枕無不同深感悅現在遠近寨苗聞風震懾各願將從前侵佔恩賞田地全行繳出懇請收作官田分佃良苗查照苗例每年田畝納租穀三成山地納雜糧一成五分以充公用並稱伊等承辦一切事件現有管帶土塘苗兵足資差遣將來土塘全撤伊等毫無兵力控馭維艱請於邊防竣事裁撤後仍挑畱苗兵分交伊等帶領按界管理卽

將此項收獲租糧賞給苗兵支食伊等旣得辦公無悞而苗寨亦可免爭佔滋事等語隨詳加體察各寨苗眾實係惴伏兵威情願呈繳侵佔田地現在永綏七八九十等里業已繳出一萬餘畝其餘乾州鳳凰保靖等處亦紛紛呈繳懇求一律辦理均屬出於至誠復就近稟商本道會同鎮廳協營文武再四講論似應俛如所議辦理窮苗旣可安置得所而苗兵仍可酌畱於馭苗固圉之道均甚有裨益理合稟請核辦等情並據另稟稱鳳凰廳屬苗守備吳顯科又吳龍登因年老不能遠出遣子吳老五同苗千把總麻光桂吳廷用等四人又永綏各里苗守備龍八月龍長官石記三苗把總麻老爾龍正綱等五名再四堅請帶赴省城面稟苗民向

化情形呈遞稟結情詞懇切未便阻止現在准其隨往叩謁等情
茲據傅爾帶同各該苗備弁來省當卽傳令進見據稱伊等渥沐
大皇帝天恩授爲苗官因所管眾苗多有恃其寨阻人強逞兇滋事伊
等不能管束實深惶悚今仰仗

天威將永綏八九十里極險苗寨積惡匪徒悉數剿蕩遠近聞風喪
膽萬分畏服真心向化此後伊等力能約束可保久遠無事情願
具結復據備陳各苗願繳從前侵佔田畝請收作官田分佃良苗
納租作爲苗兵工食酌留捍衛等情悉與傅爾所稟無異並據投
遞切結前來臣面爲曉諭務須妥爲撫馭散苗無縱無擾以期相
安無事該苗弁均知領悟隨酌加賞賚俱各歡欣感服仍交傅爾

帶回各寨臣查乾隆六十年苗匪滋事後經和琳奏明將查出逆
苗叛產及客民插花地畝分給無業窮苗耕種原不應任聽強苗
爭佔以致滋事今旣懾威呈繳仍議給苗人佃耕在良苗無業而
得業每年除繳租之外得有餘糧以資養贍自所樂從並責成苗
弁妥爲經理不許假手吏胥以杜擾累一經劃界分授造冊立案
匪苗不敢佔爭窮苗亦不敢私行典賣可期世有恆產永遠守分
安居至於土塘苗兵每年支領工食計數萬金之多原係暫時辦
理現在邊防將竣

國家經費有常未便久而不撤惟是此項苗兵本係無業窮苗一旦
停支工食竊慮無以爲生轉至流而爲匪况聽其游手好閑無人

管束更恐眾而滋事前擬於本年秋收後全行裁撤一時未得安置之法正深籌慮茲據請於邊防事竣裁撤後仍挑留苗兵將良苗佃納租糧支給口食是以苗養苗既於情理為順而分派各苗弁管帶其勢散而不聚亦可無慮生事且苗弁無兵難資彈壓而此項苗兵久沐豢養

皇恩人思効用此次攻勦永綏逆苗險寨無不攀援騰躍奮勇爭先深得其力是裁之歸寨徒增無業窮苗畱之守邊實屬有用兵力現在既有前項租糧足敷養贍即無需另籌經費與練勇之授田屯守事同一律實為一舉兩得而該苗弁等均各得有兵力一切巡哨緝捕呼應得靈力能經管散苗受其約束既有礮卡屯勇以捍

其外復有備弁苗兵以制其內藩籬益昭鞏固邊圉永慶救甯藩司成甯前任辰沅道熟悉苗情連日與之反覆講求洵為安邊經久之策除飭查明繳出田畝及此次叛產確數將劃明畛畔分佃收租及挑畱苗兵支發租糧各事宜歸入均屯經久案內彙核辦理外謹

奏奉

硃批另有旨欽此嘉慶十四年四月初二日奉

上諭阿林保奏苗人震懾兵威繳出強佔田畝分別籌辦以固邊圉而垂永久一摺據稱此次勦辦永綏八里逆苗石宗四名下查出侵佔各寨田地一千餘畝其餘各犯亦多有侵佔之田正在查辦聞旋據

各里苗守備龍八月等呈稱各處苗民情願將從前侵佔田地全行繳出請收作官田分佃良苗查照苗例每年田畝納租穀三成山地納雜糧一成五分以充公用將來邊防撤後仍挑畱苗兵分管帶將此項租糧賞給支食以期辦公無悞現在永綏七八九十等里已繳出一萬餘畝其餘乾州鳳凰保靖等處亦紛紛呈繳等語從前平苗案內查出逆苗叛產並客民插花地畝原應分給無業窮苗乃當日俱爲強苗侵佔並未均勻分給現在邊防將竣土塘苗兵卽須停支口食旣慮無以謀生且該處究少兵力彈壓旣據該苗民等將從前侵佔田地自行繳出出於至誠著照該撫所議查明繳出田畝及此次叛產確數劃明畛畔分佃收租將來邊防裁撤之後仍挑畱苗

兵在彼捍衛卽將此項租糧支給口食以爲安邊經久之策至此項地畝該苗民本由強佔而得此時懾威呈繳自應畱備兵精但該撫仍當妥協經理約束苗備等不得借此擾累強令各寨苗民一概派出又至失其恆產方足以靖邊疆而綏苗寨其如何核辦之處並著照該撫所請以歸於均屯經久案內彙核辦理欽此

（This page contains very faint, mostly illegible text within a large rectangular frame, likely bleed-through or extremely faded characters. The text is arranged in vertical columns from right to left.)

附奏清查苗繳佔田熟籌妥辦片

嘉慶十年

湖廣總督 瑚圖禮

再臣接准湖南撫臣阿林保來咨本年二月間永綏八里丁牛寨
 匪苗石宗四與十里巖落寨積匪石貴良等為首滋衅糾眾擾邊
 當經該處文武各員率領兵勇深入焚剿擒斬多名並將首惡石
 宗四石貴良等擒獲解經臣阿林保訊明辦理并據各里苗人願
 將從前侵佔逆苗田地全行繳出懇請收作官田分佃良苗按年
 納租以充苗兵口食等情因遠在北省尚未接據稟報是以即
 由撫臣阿林保就近奏陳

聖鑒

在案臣查苗情最為狡悍自嘉慶元年戡定後於沿邊修建聖堡

胡南苗方屯考

卷五

均屯一

三

湖廣總督臣 卷五
三
礪卡環以兵勇布置已屬周密乃石宗四等復敢糾眾滋事雖據
咨辦理情形不致延緩滋蔓現在各里苗人俱已十分甯帖惟呈
出從前強佔地畝議請分佃良苗以所入歲租作為苗兵口食固
為撫馭邊防起見第此項田畝當日原奏本係議給窮苗今另立
章程窮苗能否一律安頓不致向隅而清查勘丈以及分給承佃
均須詳慎周匝方可經久無弊臣已札商撫臣阿林保并飭行鎮
道廳員熟籌妥辦務於綏輯之中持以公允俾貧富苗人久安無
擾以冀仰慰

聖懷為此附摺陳明伏乞

皇上睿鑒謹

奏嘉慶十九年四月初五日奉

硃批覽欽此

Blank columns for the main text of the document.

奏前赴苗疆核籌均屯事宜並驗收城堡工程摺 嘉慶十年

湖南巡撫 阿林保

奏為恭報前赴苗疆核籌均屯事宜驗收城堡工程並順道查勘各屬濱湖堤垸仰祈

聖鑒事竊照湖南苗疆五廳縣先經築建礮卡籌議均田屯勇為久安

長治之計 奴才 蒞任以來畱心體察並與辰沅道傅鼐加意講求

隨時核商辦理茲據傅鼐稟報各路田地均已丈收清楚所有平

苗善後案內修建城堡各工俱已報竣稟請前往驗收等情竊思

楚南苗疆沿邊七百餘里距省遙遠 奴才 尙未身歷其地夷險情

形究未能周知現在均屯事務甚關緊要倘布置稍有未宜即恐

難資經久必須親往巡閱妥定章程規畫盡善庶幾一勞永逸其
修竣各工亦應分別查驗照例保固以垂久遠現今省城緊要事
件俱以次清釐奴才擬於九月初九日自省起程前往查辦往返
不過月餘容俟確查定議會同督臣提臣另行奏請

聖訓再查長沙常德等府屬濱湖各縣應禁圈築私圍例應巡撫間年

巡查一次奴才前赴苗疆經由該府等所屬地方正可乘此水涸

之時順道親勘並容查明具奏所有奴才出省日期謹先恭摺具

奏

奏請伏查苗疆林業與民事宜並舉外此聖工暨並則查也

奏巡閱苗疆事竣敬陳邊防嚴固苗人馴順情形摺嘉慶十

湖南巡撫阿林保

奏為巡閱苗疆事竣旋省敬陳邊防嚴固苗人萬分馴順情形仰慰

聖懷事竊照湖南苗疆籌辦均田屯勇為久遠乂安之計前據辰沅道

傅鼐稟報各路田畝俱已均丈清楚奴才隨於九月初九日自省

起程前往查辦並順道驗收修建城堡工程當經恭摺奏報在案

茲周歷已竣於十月十二日旋省現將屯務一切因地制宜妥為

布置凡所以固防維而計長久者悉心講求並採集羣議酌擬條

款咨會督臣公同商核容俟畫一定議再行會摺具奏恭請

聖訓伏查楚南苗疆沿邊七百餘里奴才此次身歷其境親見礪卡基

布星羅到處聲勢相通其現派守礮各勇丁本屬多年畱防鄉勇技藝均屬可觀而鳳凰廳原有練勇千名係傅爾歷年挑選所得奴才在鎮筵親加較閱施放連環鳥鎗聲勢聯絡演打準頭俱能中靶兼習長矛各技超距跳躍極為矯捷現在分別授田養贍聲威壯盛洵足長資捍衛此沿邊藩籬嚴密戰守有備之情形也至於楚省苗人惟鎮筵左右營黑苗最為兇悍而永綏八九十里苗情恃其巢深寨險從來大兵未經深入積惡匪徒俱各盤踞句結心懷叵測奴才自上年正月到任以後畱心體察知其反覆無常隨於夏間檄調傅爾進省面為商酌揆度形勢斟酌機宜必須痛加懲創先示以威然後結之以恩方能消其桀驁之氣堅其向

化之心而舉辦屯防乃可一勞永逸本年適有永綏逆苗石宗四石貴良等倚恃寨險富強句結附近寨苗謀為不法當經示以兵威並將著名深險十六寨全行勦洗積匪悉數殲除遠近各苗始知

天威赫濯無險不破兇惡之徒終歸殄滅而無業良苗經奴才奏明蒙

恩賞給田地承佃繳租養贍苗兵共慶得所茲奴才巡歷所至經由各

苗寨皆千百成羣扶老挈幼夾道歡迎即素稱強悍之鎮筵黑苗及永綏八九十里之兇苗歷來負嵎不出頑梗弗率之野苗亦懇求苗弁帶領出寨伏道迎見奴才隨宣布

皇恩曉示利害諭以爾等既經輸誠効順即與齊民無異

大皇帝一視同仁如果守分安居可以長受

天恩勿再自外

生成致貽後悔據稱伊等仰沐

大皇帝鴻恩不全加勦洗復蒙

賞給田地承種得有養贍實出意外伊等共知感激勉爲良民此後不特不敢出外滋擾卽伊等苗人亦不敢自相仇殺儻再有犯願照內地民人治罪并稱伊等現已實心歸化所有鎗械業已無用情願悉行呈繳以見真誠等語奴才復面加慰撫俱各歡欣喜躍而去並飭各苗備弁分赴各苗寨廣爲曉諭一體周知據稟眾苗實在知感知懼伊等力能管束可保永遠無事併於沿途各將鳥鎗

刀矛紛紛呈出共收繳二萬餘件察其懷畏之情出於至誠到處紳民聚觀咸謂今日得覩苗人真心向化伊等生長邊隅故老傳聞實爲從來未有之事自此得安耕鑿永享

昇平叩感不已此皆仰賴

聖主恩威遠播俾各革面革心

奴才

職司守土目擊情形欽感之餘莫

名欣幸惟有盡心撫輯安益求安以冀仰副

委任深恩至裁存原防鄉勇及土塘苗兵每年尙應發鹽糧工食共銀八萬二千七百餘兩米六千三百餘石從前屢奉

諭旨兵勇應否裁撤總以苗情安靜爲度節省數月錢糧殊不足計等因欽此仰見

聖主垂念邊防權衡至當今奴才親臨察看苗情實在萬分馴服而原
畱鄉勇既有均出田畝足敷分授歸屯苗兵亦得有租糧養贍
國家經費有常未便因循糜費應卽一律裁撤於本年十月初一日
全行停支鹽糧工食現擬於均屯章程案內奏明辦理以歸節省
再平苗善後案內修建城堡等項工程除乾州廳綏靖鎮城工業
經撫臣姜晟驗明具奏外奴才現至鎮筵登城周覽悉係條石砌
成並添建月城以及城外觀景山等處修建礮樓規模宏敞工程
堅實所有各處石堡工程順道逐一勘驗均係照依原估如式修
竣其餘相距較遠零星處所就近委員分往查勘一律堅固整齊
現將各工丈尺請銷銀數以及工竣日期彙造清冊另行咨部照

例起限保固至苗人呈繳鎗械現交辰沅道傅爾查明將不堪應
用各件隨時銷燬改製農器餘俱編定字號造冊存貯以備將來
撥補各勇丁苗兵之用所有奴才巡閱旋省日期並邊防嚴密苗
人馴順情形理合恭摺具

奏仰慰

聖懷伏乞

皇上睿鑒謹

奏嘉慶十年十二月初九日奉

硃批欣慰覽之欽此又於今日得覩苗人真心向化句旁奉
硃批雖則如此恭順益當固我邊防勿使漢奸盤剝若有潛出偷竊之

苗仍須嚴辦欽此

湖南苗防屯正考

卷五

三

湖南苗防屯正考
卷五
三

會奏苗疆均屯告蒞會籌經久章程八條摺

嘉慶十年

奏為苗疆均屯告蒞會籌經久章程恭摺奏請

湖南巡撫阿林保
湖南總督瑚圖禮
湖南提督仙鶴林

聖訓事竊照湖南苗疆東南北三面周圍七百餘里環列苗人二千餘寨自戡定以後苗情反覆不常遂於沿邊寸節籌修屯堡礮卡哨臺關門環以兵勇民人始得漸次復業而各該士民等咸知身家非礮卡不能保護礮卡非勇丁不能駐守勇丁非屯田不能養贍俱各情願均出田畝以贍兵丁數年以來陸續丈收田畝先後分給鄉勇歸屯駐守停支鹽糧經奴才於上年十月內恭摺具奏聲明未經授田鄉勇二千一百四十一名飭令將各廳縣未均田畝

湖南苗防屯正考

卷五

均屯一

三

一律趕均清丈分撥耕守統俟均田全竣親赴查勘另請裁撤並
妥議屯務章程奏明立案至裁存土塘苗兵九千九百三十六名
本年自勦洗永綏積惡苗寨之後遠近苗人震懾兵威情願將從
前強佔田地呈繳歸公并查有逆苗叛產復經奴才奏請分撥良
苗佃種收租挑畱苗兵以資養贍均蒙

聖鑒

在案茲據辰沅道傅鼐稟報各路田地均已丈收清楚

奴才隨親

往遍閱目擊沿邊碉卡林立與各營汛塘房交接聯絡而黔邊一
帶亦皆建碉設備彼此唇齒相依互為犄角邊備實為嚴密現在
按照地方之夷險碉卡之疏密酌擬鳳凰乾州永綏三廳古丈坪
保靖二廳縣共設屯兵七千名按名授田耕守並挑畱備戰練勇

一千名即於均出田內撥佃收租資給鹽糧其苗人呈繳佔田及
查出逆產亦經查清分佃現按歲租之所入於裁存土塘苗兵內
酌畱五千名足敷贍給其餘皆已撥田佃種妥為安置本年收成
豐稔九月底秋收完畢口食有資所有每年應發鄉勇鹽糧及土
塘苗兵工食共銀八萬二千七百餘兩米六千三百餘石即於本
年十月初一日起全行停支以節糜費此次巡歷所經察看民氣
安敕苗情懾服是均田屯勇洵為久安長治之計惟事必慎始法
期要終今大局甫定設籌畫稍有未周即恐難資悠久因查黔省
古州等處安設九衛屯兵行之六十餘年至今相安自可酌照辦
理當經咨會貴州撫臣將乾隆三四等年前貴州總督兼巡撫事

張廣泗議奏軍屯章程鈔錄移送前來隨詳加稽核其中尙有彼此殊勢今昔異宜之處必須斟酌損益以歸妥善查湖南苗疆屯務以紳民均出之田爲丁勇養贍之資既無需加增糧餉卽繕修碉卡壘堡房屋以及軍械牛具等項均已在在外籌辦完備亦毋庸另行請銷惟核計每年應需公費爲數尙多若不預爲籌備深恐難以爲繼且各該丁勇授田所得之數僅敷一年食用設遇儉歲歉收卽有艱食之虞而一切應行借墊之項時所常有亦應先行計及但

國家經費有常未便仿照黔省軍屯之案悉行請項開銷致多糜費現計各廳縣共均出歸公田六萬一百餘畝除分授屯丁承種及

提作練勇鹽糧共田五萬六百九十畝外尙有餘田九千四百餘畝自可召佃收租備充歲支公費卽無需另行籌項其應行儲備銀穀現在無款可籌應卽酌量捐貲以防荒歉而資緩急庶幾有備無患乃可垂之久遠他如分設屯官鈴束苗弁並訓練丁勇技藝嚴禁私典屯田以及稽查收支均應立法勸懲至於從前苗匪滋事多藉口於客民之盤剝此時應卽聲明例案毋許欺凌索擾尤爲杜漸防微要務奴才於巡歷之次與提鎮道廳悉心講求並諮詢在事文武員弁酌擬章程八條復咨商督臣畫一定議以期於目前之布置日後之防維均能有益謹另繕條款清摺敬呈

御覽恭候

聖明訓示遵行奴才惟有隨時會率鎮道廳協督同文武員弁妥協經理永遠遵循不敢因苗疆已治已安稍存怠忽以致日久弊生務使藩籬益臻鞏固民苗久遠相安仰副

聖主垂念邊陲籌畫萬全之至意除飭造均出田畝授耕佃租各數暨均戶姓名清冊另行咨部立案並一切未盡事宜容俟次第酌籌辦理外所有籌議緣由謹會同署湖廣總督奴才瑚圖禮湖南提督奴才仙鶴林合詞恭摺具奏伏乞

皇上睿鑒謹

奏嘉慶十年十二月二十七日奉

硃批大學士會商該部議奏欽此

條款清摺

謹將酌籌湖南苗疆均屯經久章程開列條款清摺恭呈

御覽

一各路碉卡應酌定派駐勇丁及分授均出田畝以資耕守也查湖南鳳凰乾州永綏三廳及古丈坪保靖二廳縣歷年籌修石工汛堡屯卡碉樓哨臺礮臺關門共一千一百餘座除分駐官兵外尚有八百餘座均應安設勇丁駐守原奏鳳凰廳安設防丁六千名乾州廳六百名永綏二千名古丈坪一百名保靖縣三百名茲按照地方之夷險碉卡之疏密分別派駐鳳凰廳止需防丁四千名足敷分守其餘四廳縣仍應按原數募駐並仿照貴州省九衛

海防百例可正考 卷五
屯田之制於屯丁內挑設小旗總旗百總以資管束通計五廳縣共設屯丁七千名內散丁六千九十名每名給田四畝五分小旗七百名每名給田五畝五分總旗一百四十名每名給田六畝五分百總七十名每名給田七畝五分通共給田三萬二千六百九十畝俱於均出田畝內就近撥給並已於各屯卡內蓋造房屋倉圈每丁五名給牛一隻犁耙一付每丁各給鋤鎌一付俾各該勇丁居住耕守養贍有資不費糧餉而以七千名勇丁分佈於沿邊七百十三里之礮卡與各路營汛塘房交接聯絡聲息相通設有警動一礮鳴角放鎗隣近礮卡營汛均可接應立時赴援庶苗匪不敢乘隙窺伺邊境永慶敕甯矣

一鳳凰廳原挑精銳練勇應畱備攻戰也查苗疆五廳縣沿邊礮卡雖已分佈勇丁而每礮所駐不過數名僅資防堵設偶遇匪徒滋事必須遠出攻剿若將沿邊戍卒調集遠離必致礮卡空虛疏虞堪慮查鳳凰廳有原挑備戰練勇一千名係辰沅道傅爾歷年挑選所得訓練日久甚爲精銳且苗地重山複嶂跬步皆險該練勇久習行走越嶺登山如履平地凡苗巢深險之區皆可直抵其穴節次攻剿苗寨皆係該練勇涉險爭先所向克捷遠近寨苗無不聞風膽落必應仍行畱備攻戰之用應以五百名駐劄上五崗適中之新場堡五百名駐劄下五崗緊要之同全坡建給房屋棲止分交現設屯弁管帶操演遇有匪苗滋事相機調遣剿捕庶精

澧州府志卷五
銳常存有守有戰聲威益壯准此項戰丁習於戰爭農事非其所長且須專司操演以備隨時調遣難以分身耕作應視屯丁寬給田畝佃租養贍俾令飽騰以收實用擬卽於均出田畝內酌撥田一萬八千畝責成該道督率屯弁管理召佃收租苗疆地方磽瘠歲時豐歉不常適中核計每年約可得租穀一萬八千石現計練勇一千名除每名每年應給食米三石六斗共需米三千六百石合穀七千二百石外尙餘穀一萬八百石卽照依時價變賣爲支給鹽菜銀兩之用前項練勇一千名內散丁八百七十名每名每年應給鹽菜銀十兩八錢小旗一百名每年給銀十二兩總旗二十名每年給銀十三兩二錢百總十名每年給銀

十六兩八錢共需銀一萬一千二十八兩惟糧價貴賤無常難以預定應令該管屯弁於每年秋後催收齊全收貯公倉核明實收穀數具稟該道轉報除收存貯應給食米穀七千二百石按月碾供外所有餘穀應於糧價稍昂之時盡數變糶一面將變價銀數隨時報明一面照額定應給鹽菜之數按名按月支放如遇歉收不敷准於餘田租穀內撥補若豐歲多收支有餘銀卽歸於餘田項下充公備用其遇閏之年應行加增鹽菜口糧亦於餘田租穀項下通融撥給仍責令該屯弁將每年支銷細數年終造報由該道查明詳移院司衙門稽核以杜弊混

一分撥存剩餘田酌議召佃收租以資經費也查各路碉堡哨臺

濠牆並屯卡房屋等項皆係邊地要工爲數繁多自應隨時修葺一律完整除小有損壞卽令駐守之兵勇自行粘補外其有年久朽壞或風雨吹淋或山水刷衝工程較大勢難責令兵勇修辦應由屯弁報明該廳縣親往勘估通詳興修又屯丁練勇常川操防均須製給子藥而丁勇遇有紅白事件應需惠賞並陣傷亡故丁勇眷口亦應酌給養贍以示體恤或遇有苗匪滋事調集練勇堵剿須給裹帶行糧及添備藥鉛辦理一切苗務應需盤費飯食並修理倉廩暨倉書斗級工食等項兼有備戰練勇應行加增閏月鹽菜口糧尙需通融撥補爲費甚鉅均屬無項可支查現在均出歸公田六萬一百餘畝除分授屯丁練勇共田五萬六百九十畝

外尙餘田九千四百餘畝應卽召佃收租以苗疆中歲牽計每年約得租穀九千四百餘石變價充公除屯弁應支分例銀三千餘兩外所餘銀兩卽爲歲修工程等項之需仍飭撙節動用免致支絀以餘田之所入充必需之經費無須另籌款項而沿邊各工旣得承資鞏固一切要需亦無虞缺乏邊防大局可以日久不敝矣至每年收支之數並責令經管屯弁於年終造報廳縣呈道詳移院司查核層層稽查無慮浮冒弊混應請毋庸報部核銷以省案牘

一各路屯田專設屯弁以資經理也查各廳縣防邊勇丁七千名又鳳凰廳挑畱備戰練勇一千名共屯種佃種田地五萬六百九

十畝又餘田九千四百餘畝地廣事繁必須專員經營查黔省屯制分設衛千總九員以資管束惟安設屯弁原以約束屯丁並無領運之責未便仍沿衛千總名色自應改爲屯千總而南省屯丁均防守礮卡亦與黔省屯軍不同尙須添設屯把總外委藉資分管鳳凰廳屯勇四千名備戰練勇一千名擬設屯千總四員屯把總四員屯外委八員屯額外八名乾州廳屯勇六百名擬設屯把總一員屯外委一員屯額外二名永綏廳屯勇二千名擬設屯千總二員屯把總二員屯外委二員屯額外二名保靖縣屯勇三百名擬設屯外委二員屯額外一名古丈坪廳屯勇一百名擬設屯把總一員以上五廳縣共設屯弁四十員名卽於廳標現任候補

把總外委歷年管帶練勇之百總及熟悉邊情之營弁內遴選挑補並於鳳凰廳現設屯弁內酌派屯千總二員屯把總二員屯外委二員屯額外二名飭令管帶備戰練勇勤慎操演餘各派分段落將屯丁屯田一切撥防耕守事宜盡心經理庶責有專司可期妥協仍各歸廳縣管轄總隸於辰沅道統屬核其功過定以考成並照黔省屯制定以五年內如果實心辦理所管屯勇技藝純熟安分力田及備戰勇丁訓練有方技藝日精著有成效屯把總外委額外遇有缺出遞相拔補千總准以苗疆守備題補其散丁小旗總旗百總等有勤能出色者亦由該屯弁稟明廳縣據實舉報以次拔補庶各知奮勵其屯千總把總亦照營員咨部給劄外委

湖南苗匪正考 卷五
額外由道發委詳請咨部至所設屯弁亦當籌給分例應照依營制千總每員歲支銀一百八十餘兩把總每員歲支銀一百四十餘兩外委每員歲支銀五十餘兩額外照馬兵分例每名歲支銀三十餘兩共歲支銀三千餘兩均於餘田租息項下支給毋庸請動

帑項

一籌捐存貯銀穀以備荒歉並資接濟也查各路屯丁均各分授田畝備戰練勇亦經撥田收租支給鹽菜口糧豐稔之年自己足敷食用惟年歲豐歉靡常或遇歉薄及青黃不接之時則艱食堪虞必須預爲籌備查黔省九衛屯田案內奏明動項採買米二萬

七千餘石合穀五萬四千餘石分貯各壘堡以資糶借洵爲儲備要務萬不可少至各屯弁應得分例現擬於餘田租穀項下支給其練勇鹽菜銀兩亦議收租變價隨時散放第前項銀兩均係按月支領而佃戶交租總在每年九十月以後勢難枵腹以待且當秋成時穀價必平亦未便遽行賤糶致有支絀則數月支款自應先爲墊發而苗疆一切緊要之用更所時有必須籌款存貯以應不時之需但現在均屯案內建修碉卡屯房倉廩牛具並置備器械一切經費均係在外籌辦未便零星請款致滋瑣屑而又別無款項可籌查湖南平苗軍需報銷內有例不准銷及續行核減共銀九十五萬三千餘兩先後奏咨於巡撫兩司道府州縣養廉內

攤賠嗣經議定每年攤扣三成照實任署事各員全支半支之數按成扣收約計每年扣銀三萬兩上下應扣至嘉慶二十四五年清完本屬以公濟公今邊防要需非此不能完備惟有仰懇

聖恩俯允准展扣二年將嘉慶十一十二兩年每年約扣三成養廉銀

三萬兩共銀六萬兩為捐備前項之用應請先於司庫內照數籌款借撥發交該道傅鼐將二萬兩存貯辰沅道庫遇有應行借墊之項詳明動撥隨時歸補永遠備用並動銀四萬兩於糧價平減之區採買穀四萬石內撥貯鳳凰廳二萬五千石乾州廳三千石永綏廳一萬石古丈坪廳五百石保靖縣一千五百石分別建蓋倉廩加謹收貯如遇年歲歉收及青黃不接之時詳明借濟秋後

免息收還至所需倉廩約計每穀四百石建倉一間共需籌建倉廩一百間約需銀一千餘兩應即於餘田租穀項下動用趕建本年苗疆收成豐稔洵係數十年來所未有糧價日益減落而下游各屬稔收價平自應乘時買貯其歸屯勇丁業已停支鹽糧此時即有應行墊支之項現在飭司先行籌撥銀三萬兩發給傅鼐以二萬兩先買穀二萬石分撥收貯以一萬兩存貯道庫備用餘再陸續借撥足數分別儲備仍將十一十二兩年攤扣養廉先儘歸還此項借款後再行接扣軍需賠項如此通融捐備庶幾荒歉無患緩急有資在軍需扣項不過扣展二年亦不至久懸而於邊防大局實多裨益

一屯丁技藝應嚴加訓練並隨時稽察也查安設屯丁原以鞏固苗疆其備戰練勇則專資攻剿所需鎗械均已分別製給自應因時操練咸成精銳惟屯丁俱有耕種之事不能照營規操演每年應自收割以後於十月初一日起至次年正月月底止逢三六九日開操該管屯弁督率小旗總旗百總等認真教習仍於春夏秋三時農工稍暇之際督令不時演習各本身技藝勿致生疏其備戰各丁既無事於耕作應卽照營制每年自七月初一日起至次年四月底止責成專派管帶之屯弁按三六九日勤加訓練務令技藝日益優嫻倘各丁內有農業不勤技藝不熟甚或不守屯規酗酒滋事以及私擅離伍許百總等稟知屯弁轉報廳員分別究革

撤田另補倘百總等有心徇隱及屯弁失察徇縱卽一併究懲仍令道廳隨時查察若不實力稽查亦照例分別參處至授田各勇丁多係捐戶子弟親族及出力之丁勇自應令其且耕且守奉爲世業該屯丁內或有年老辭退或病故出缺卽於該丁子孫內擇選承補若無人可補另行撤田募充總不許將屯田私行典賣仍將頂充姓名詳註檔冊以備稽查如敢擅行典賣卽照盜賣私買官田律治罪追價入官其小旗總旗百總及該管屯弁或失於覺查或通同作弊分別究革嚴懲

一嚴禁民人擅入苗寨索詐欺凌以期民苗相安永臻甯帖也查舊例民人原不准擅入苗地自乾隆二十九年以苗人向化日久

准與內地民人姻婭往來漸資化導而日久弊生漢奸出入卽有在內地開墾及因賬債准折苗地之事苗人遂藉口客民盤剝侵佔糾結滋事數年以來沿邊民人疊被焚殺無不受其荼毒今自屢經痛懲之後苗人萬分畏服誠恐被害民人因苗情馴順輒圖報雪而奸民故智復萌或又藉端欺詐以致復生衅隙不可不防其漸現在民苗界址畫分清楚應申明舊例漢民仍不許擅入苗地私爲婚姻以免滋事惟各處集場原許民苗按期趕趁以有易無應令汛屯員弁親爲彈壓無許市僧侵欺一切公平在市交易而散其有苗人控訴詞訟必須集案質訊卽令苗弁傳送迅速秉公審結不許擅差兵役入寨妄拏倘有奸民無故擅入苗地教誘

爲匪及生事擾害隨時查拏按律嚴辦其各廳縣民人如有藉稱從前被害妄行訛詐或尋衅報復以及不肖兵役私入索擾立卽查拘從重懲究廳縣營汛失於查察亦分別參處至各苗備弁俱有約束散苗之責必須苗心悅服方足以資駕馭應令道廳隨時查察若有挾詐營私欺凌苗眾者卽詳明革究另行選充無得姑容貽誤庶民苗彼此相安邊隅可期永靖矣

一清查逆苗叛產及苗繳佔田分佃收租贍給裁畱苗兵以安苗眾而資外捍也查本年勦洗永綏各處匪苗之後羣苗震懾兵威情願將從前強佔田地盡數繳出並查有逆苗叛產酌議一併歸公分佃良苗承種納租卽可挑畱苗兵以資養贍當經奏蒙

聖鑒在案現在遴員率同苗弁將各寨繳出佔田逐一清丈共田三萬一百餘畝並清查各逆苗叛產亦丈收田地五千四十餘畝共三萬五千一百餘畝俱經勘明界址區分畛畔分別造冊立案照議分佃收租計可養贍苗兵五千名業經督飭各苗弁撥給良苗佃耕納租所有歷年裁存土塘苗兵九千九百餘名內有可以自行謀生應裁令歸寨及老弱窮苗一體酌撥田畝承佃交租外現在挑畱壯健苗兵五千名內鳳凰廳二千名乾州廳八百名永綏廳一千八百名古丈坪廳一百名保靖縣三百名派令苗備弁管帶每苗守備一名同苗千總把總外委等共帶一二百名不等各於該管各寨要地巡查防守遇有追捕勦辦等事聽候調用其苗人

應繳租糧必需公所存貯現管各苗守備踴躍從事於各苗寨內自行擇地建倉以備收貯每倉由各苗備弁公同議舉誠謹殷實苗弁二三名專司催收支放計前項田地三萬五千餘畝按照苗例田畝納租穀三分山地納雜糧一成五分若遇豐稔之年約計每年可收籽粒二萬二千餘石每苗兵一名歲給口糧三石六斗每年共需糧一萬八千石計尚餘籽粒四千餘石查苗疆山多田少收成本薄設遇水旱歉收即恐收租短少不敷支放應將豐年所收餘糧積存苗倉以備撥補而免缺乏並為加給苗兵閏月口糧之需仍飭該苗備弁將每年收得租數據實具報除苗兵應得口糧按月支給外計每年餘糧若干按年造冊報明廳道隨時查

湖南苗匪紀略 卷五
察倘經管苗備弁有虛捏侵扣情弊卽嚴行究辦自此苗兵得有租糧養贍不致失所而窮苗藉以佃種亦可安居樂業且各該苗弁均得有兵力一切巡哨緝捕呼應得靈力能管束散苗更足以制其桀驁不馴之氣於安邊大局益資經久矣

附奏辰沅道傅鼐竭力營繕邊工無庸請項開銷片

嘉慶十年

湖南巡撫阿林保

再查鳳凰廳前遭苗匪滋擾雖經戡定而各路民田盡被匪苗佔據仍屢次攻圍營汛並擾及麻瀘辰浦肆其毒害現任辰沅道傅鼐於嘉慶九年十二月內抵鳳凰廳同知任稔知苗疆溝道如梳在在可以竄越出沒非特民人不能復業安居卽沿邊營汛亦有難以存立之勢遂籌議先於廳屬沿邊備建礮卡開築濠溝邊牆以期禦苗安民維時苗匪時出攻擾事在緊迫必須趕緊相機辦理斷不能先行勘估然後興工當卽飭諭兵勇民戶等定以官爲籌辦銀米僱覓匠夫本營兵丁及鄉勇民人隨同力作俱各踴躍

趨事卽畱防外營官兵亦知修邊重舉爲固圉撤防長策因伊等責司戍守不能隨眾工作情願將應領餘丁鹽菜口糧銀米量捐歸公以助修費傅鼐復百計設措始能於沿邊裏圍逐步修建石工礮卡哨臺關門八百餘座開築壕牆百有餘里布置兵勇從此苗匪不敢任意出入因得收復被佔民田士民皆知恃邊自衛均願呈出田地爲丁勇永遠屯耕守禦之計並先酌交租穀以資邊工急需於乾州古丈坪永綏保靖一帶復次第籌修礮卡並製給各丁勇鎗械房屋牛具邊防始昭嚴密此數年以來傅鼐竭力營繕邊工及兵勇民人急公効助未經請款之實情也前於嘉慶六年經前任督_臣書麟撫_臣祖之望將傅鼐勸諭兵勇陸續籌修礮

卡牆壕大概情形據實奏

聞並聲明一切屯丁牛具籽種房屋修費酌量緩急通融撥借毋庸請項開銷仰蒙

聖鑒

奴才

親歷各該廳縣查驗礮卡各工以及房屋倉圈一律

堅實整齊牛具農器等項已皆完備該道傅鼐籌辦實屬不遺餘力而兵勇民人趨公籌捐悉皆出於至誠情願現今完善歲功自應查照原奏無庸請項開銷所有在外籌辦邊工情形理合據實附片奏明謹

奏嘉慶十年十二月二十七日奉

硃批覽欽此

資養贍均奏蒙

聖鑒在案茲據辰沅道傅爾稟報各路田地均已丈收清楚酌擬鳳凰等廳縣共設屯兵七千名並挑畱備戰練勇一千名卽於均出田內撥佃收租其苗人呈繳佔田及查出逆產按歲租之所入於裁存土塘苗兵內酌畱五千名足敷贍給所有每年應發鄉勇鹽糧及土塘苗兵工食共銀八萬二千七百餘兩米六千三百餘石卽於本年十月初一日起全行停支現計各廳縣共均出歸公田六萬一百餘畝分授屯丁承種及提作練勇鹽糧共田五萬六百九十餘畝外尙餘田九千四百餘畝自可召佃收租備充歲支公費無須另行籌項其應行儲備銀穀現在無款可籌應卽酌量捐助

以防荒歉而資緩急他如分設屯官鈐束苗弁並訓練兵勇技藝嚴禁私典屯田以及稽查收支均應立法勸懲並申明例禁毋許欺凌索擾除造具均出田畝授耕佃租各數暨均戶姓名清冊另行咨部立案並一切未盡事宜容俟次第辦理外謹酌擬章程八條另繕清摺謹會同署湖廣總督臣瑚圖禮湖南提督臣仙鶴林合詞恭摺具奏等因一摺嘉慶十年十一月二十六日奉

硃批

大學士會同該部議奏欽此欽遵於十一月二十九日鈔出到部

臣等查嘉慶九年十一月內據調任湖廣總督吳熊光等據奏鳳凰等廳縣截至嘉慶九年九月底止尙存鄉勇一千一百四十一名苗兵九千九百三十六名仍令照例支食鹽糧工食並將各處

湖南直隸州志 卷五
未均田畝趕緊清丈分給歸屯經戶部議覆在案今據湖南巡撫阿林保等奏報各路未均田地丈收清楚酌擬章程八條_臣等查均田養贍丁勇原爲綏靖苗疆起見立法務極周詳而成局期能悠久今各路均出田地共丈收六萬一百餘畝酌於鳳凰等廳縣分設屯丁七千名按名授田耕守並挑畱備戰練勇一千名卽於均出田內撥佃收租支給鹽糧其苗人呈繳佔田及查出逆產亦經查清按歲租之所入裁存苗兵五千名足敷贍給所有每年應發鹽糧工食銀八萬二千七百餘兩米六千三百餘石於本年十月初一日起全行停支並申明舊例禁止民人擅入苗寨以杜釁端辦理尙爲妥協至於設官以嚴約束訓練以精技藝召佃以裕

經費捐廉以資接濟亦爲長久安定苗疆之道_臣等按所奏八條悉心酌議惟挑畱練勇一條應令該撫轉飭如有缺額卽行挑選壯勇募補足數以資捍禦召佃撥存餘田籌捐存貯銀穀清查逆苗叛產三條據稱毋庸報部第恐日久弊生有侵蝕虧挪情事應令今年終將收支各數報部備查其餘四條均應如奏辦理至一切未盡事宜應令次第酌籌核辦謹將核議八條另繕清摺恭呈

御覽是否有當伏候

皇上訓示遵行謹

奏嘉慶十年十二月十六日奉

旨依議欽此

湖南苗疆屯墾章程
 一、凡苗疆各寨，應由地方官查明戶口，分別開墾。其開墾之田，應由地方官督同墾民，開墾完竣後，應由地方官驗明，造冊報部。其開墾之田，應由地方官督同墾民，開墾完竣後，應由地方官驗明，造冊報部。

條款清摺

謹將議覆湖廣總督瑚圖禮等會奏酌議湖南苗疆均屯經久章程開列條款清摺恭呈

御覽

一該撫等奏稱各路礮卡應酌派勇丁及分授田畝以資耕守也查湖南鳳凰等廳縣歷年籌修石土汛堡屯卡礮樓哨臺礮臺關門共一千一百餘座除分駐官兵外尚有八百餘座原奏鳳凰廳安設防丁六千名乾州廳六百名永綏廳二千名古丈坪廳一百名保靖縣三百名茲按地方之夷險礮卡之疏密分別派駐鳳凰廳止需防丁四千名其餘四廳縣仍按原數募駐並仿照貴州九

衛屯田之制於屯丁內挑設小旗總旗百總以資管束通計五廳縣共設屯丁七千名內散丁每名給田四畝五分小旗每名給田五畝五分總旗每名給田六畝五分百總每名給田七畝五分共給田三萬二千六百九十畝俱於均出田畝內就近撥給於各屯卡居住耕守等語_臣等伏查湖南鳳凰乾州永綏古丈坪保靖等廳縣與苗寨毗連原設勇丁以資防守今各丁均已授田歸屯據該撫等酌核情形共畱七千名分駐各廳縣仿照貴州省九衛屯田之制于屯丁內挑設小旗總旗百總與屯丁等分別授田共需田三萬二千六百九十畝俱于均出田畝內就近撥給分佈各屯居住耕守于邊防實有裨益應如所奏辦理

一該撫等奏稱鳳凰廳原挑精銳練勇應畱備攻戰也查苗疆五廳縣沿邊碉卡所駐勇丁每碉不過數名設遇匪徒滋事疏虞堪慮查鳳凰廳原挑備戰練勇一千名訓練日久甚為精銳仍應畱備攻戰之用惟此項戰丁習于戰陣農事非其所長且須專事操演難以分身耕作擬於均出田畝內酌撥田一萬八千畝責成該道督率屯弁管理召佃收租每年約收租穀一萬八千石每名每年給米三石六斗共需米三千六百石合穀七千二百石尚餘穀一萬八百石卽依時價變賣爲支給鹽菜銀兩之用內散丁每名每年給鹽菜銀十兩八錢小旗每名每年給銀十二兩總旗每名每年給銀十三兩二錢百總每名每年給銀十六兩八錢共需銀

一萬一千二十八兩惟糧價貴賤無常難以預定如遇歉收不敷准于餘田租穀內撥補若豐歲有餘即歸於餘田項下充公備用其遇閏之年應行加增鹽菜口糧亦于餘田租穀項下通融撥給等語臣等伏查鳳凰廳原挑備戰練勇一千名既該撫等聲稱訓練有年甚為精銳該省苗情反覆不常應准其仍畱備用惟此項戰丁專事操防難以分身耕作亦應如該撫等所奏酌撥田一萬八千畝召佃收租約計每年可收穀一萬八千石除每年碾供穀七千二百石外尚餘穀一萬八百石于糧價稍昂之時儘數變糶照額定應給鹽菜之數按月分別支放如遇歲收歉薄及有閏之年應行撥補加增銀米統于餘田租穀項下通融撥給並將每年

支銷細數于年終造冊送部備查其練勇內遇有事故出缺仍令該撫如數募充報部查核

一該撫等奏稱分撥存剩餘田酌議召佃收租以資經費也查各路碉堡哨臺等項皆係邊地要工自應隨時修葺又屯丁練勇常川操防均須製給子藥而丁勇紅白事件應需惠賞並陣傷亡故丁勇眷口應給養贍及辦理一切苗務應需盤費飯食並修理倉廩暨倉書斗級工食等項兼有備戰練勇應加閏月鹽菜口糧尚需通融撥補均屬無項可支查現在均出歸公田六萬一百餘畝除分授屯丁練勇共田五萬六百九十餘畝外尚餘田九千四百餘畝應即召佃收租每年約得租穀九千四百餘石變價充公除

湖南古防軍正考 卷五
屯弁應支分例銀三千餘兩外所餘銀兩卽爲歲修工程等項之需至每年收支穀數于年終呈詳院司查核毋庸報部核銷等語臣等伏查鳳凰等廳縣均出歸公田六萬一百餘畝除分授屯丁練勇田五萬六百九十畝外尙餘田九千四百餘畝據該撫等聲稱該處歲修工程等費無款可支尙需通融撥補應令卽以此項餘田召佃收租將每年收獲穀石變價充公除支給屯弁分例銀兩外遇有興修經費及卹賞養贍等需統于此款內酌量撥用仍將每年收支各數于年終造冊送部備查

總而南省屯丁防守礮卡亦與黔省屯軍不同尙須添設屯把總外委藉資分管鳳凰廳擬設屯千總四員屯把總四員屯外委八員屯額外八名乾州廳擬設屯把總一員屯外委一員屯額外二名永綏廳擬設屯千總二員屯把總二員屯外委二員屯額外二名保靖縣擬設屯外委二員屯額外一名古丈坪廳擬設屯把總一員以上五廳縣共設屯弁四十員名卽于廳標現在候補把總外委及歷年管帶勇丁之百總熟悉邊情之營弁內遴選挑補并于鳳凰廳現設屯弁內酌派屯千總二員屯把總二員屯外委二員屯額外二名飭令管帶備戰練勇勤慎操演仍令歸廳縣管轄總隸于辰沅道統屬並照黔省屯制定以五年俸滿如果所管屯

勇技藝純熟安分力田及備戰勇丁訓練有方著有成效屯把總外委額外遇有缺出遞相拔補千總准以苗疆守備題補其散丁小旗總旗百總等有勤能出色者亦由該屯弁稟明廳縣據實具報以次拔補其屯千總把總亦照營員咨部給劄外委額外由道發委詳請咨部至所設屯弁亦當籌給分例應照營制千總每員歲支銀一百八十餘兩把總每員歲支銀一百四十餘兩外委每員歲支銀五十餘兩額外照馬兵分例每名歲支銀三十餘兩共歲支銀三千餘兩均于餘田租息項下支給等語臣等伏查湖南鳳凰乾州永綏古丈坪保靖等五廳縣沿邊礮卡既分派勇丁駐紮屯防自應添設員弁經理以資彈壓應如該撫所奏准其于鳳

凰廳添設屯千總四員把總四員外委八員額外外委八名乾州廳添設屯把總一員外委一員額外外委二名永綏廳添設屯千總二員把總二員外委二員額外外委二名保靖縣添設屯外委二員額外外委一名古丈坪廳添設屯把總一員即在于廳標候補把總外委管帶勇丁之百總及熟悉邊情之營弁內遴選挑補並准其于鳳凰廳現設屯弁內酌派屯千總二員把總二員外委二員額外外委二名飭令管帶練勇勤慎操演一切耕守事宜盡心經理仍各歸廳縣管轄總隸辰沅道統屬考核千總把總拔補時咨部給劄外委咨部註冊額外外委由該道發給委牌造冊報部千總一項五年俸滿如果實心經理訓練有方苗民相安地方

甯謐由該道保送該督覆加考驗出具考語送部引

見回任以苗疆守備題補其尋常供職之員尙無遺誤准其畱任咨部
換割其把總外委額外委並小旗總旗百總著有勤能者准其
隨時拔補如該弁怠惰廢弛卽隨時咨革毋得稍事姑容至所設
屯弁應籌給分例照營制千總每員歲支銀一百八十餘兩把總
每員歲支銀一百四十餘兩外委每員歲支銀五十餘兩額外外
委照馬兵分例每名歲支銀三十餘兩共歲支銀三千餘兩既據
該撫聲明在于餘田租息項下支給應令就款開銷

一該撫等奏稱籌捐存貯銀穀以備荒歉並資接濟也查各路屯
丁練勇豐稔之年自己足敷食用惟年歲豐歉靡常或遇青黃不
接之時必需預爲籌備查黔省九衛屯田案內奏明動項採買米
二萬七千餘石合穀五萬四千餘石分貯各壘堡以資糶借今湖
南平苗軍需報銷內有例不准銷及續行核減共銀九十五萬三
千餘兩先後奏咨於巡撫兩司道府州縣養廉內攤賠嗣經議定
每年攤扣三成約計扣銀三萬兩應扣至嘉慶二十四五年清完
仰懇

皇恩

俯准展扣二年將嘉慶十一十二兩年每年約扣三成養廉銀三
萬兩共銀六萬兩爲捐備前項之用請先于司庫籌款借撥發交
該道傅鼐將二萬兩存貯辰沅道庫遇有應行借墊之項詳明動
撥隨時歸補其餘銀四萬兩于糧價平減之區採買穀四萬石內

撥貯鳳凰廳二萬五千石乾州廳三千石永綏廳一萬石古丈坪廳五百石保靖縣一千五百石分別收貯如遇年歲歉收及青黃不接之時詳明借濟秋後免息收還至所需倉廩約計每穀四百石建廩一間共需籌建倉廩一百間約需銀一千餘兩應卽于餘田租穀項下動用本年先行籌撥銀三萬兩發給傳單以二萬兩先買穀二萬石分撥收貯以一萬兩存貯道庫備用餘再陸續借撥足數分別貯備仍將十一十二年攤扣養廉先儘歸還此項借款再行接扣軍需賠項等語臣等伏查鳳凰等廳縣屯丁練勇均已授田收租豐稔之年計已足敷食用惟遇收成歉薄及青黃不接之時則艱食堪虞白應預爲籌備據該撫等奏請將湖南省

攤賠軍需案內嘉慶十一十二年共應扣養廉銀六萬兩展扣二年以資捐備前項之用係爲該省辦公起見且於軍需賠項仍可致不致虛懸應准其先行借扣其所請于司庫內預爲借動發交辰沅道庫銀二萬兩遇有應行借墊之項詳明動撥隨時歸補其餘銀四萬兩于糧價平減之區採買穀四萬石分貯鳳凰等廳縣加謹收貯如遇丁力拮据酌量接濟均應如奏辦理至建置倉廩估需銀兩既據聲明係在餘田租穀項下動用應令就款開銷仍將司庫先支給銀三萬兩並續行動借銀兩于該撫等應得十一十二年養廉銀內先行攤扣歸款並將扣還各數按年分晰報部查核其道庫存貯銀兩各廳縣分貯穀石并令年終造冊送部

備查

一該撫等奏稱屯丁技藝應嚴加訓練並隨時稽查也查安設屯丁原以鞏固苗疆其備戰練勇則專資攻剿所需鎗械均已分別製給自應因時操練咸成精銳惟屯丁俱有耕種之事不能照營規操演每年應俟收割以後於十月初一日起至次年正月底止逢三六九日開操仍於春夏秋三時農工稍暇之際督令不時演習其備戰各丁既無事於耕作應即照營制例每年自七月初一日起至次年四月底止責成專派管帶之屯弁按三六九日勤加訓練倘各丁內有農業不勤技藝不熟甚或不守屯規酗酒滋事以及私擅離伍許廳員分別究革撤田另補倘百總等有心狗隱

及屯弁失察徇縱卽一併究懲仍令道廳隨時查察若不實力稽查亦照例分別參處至授田各丁多係捐戶子弟親族及出力之丁勇自應令其且耕且守奉爲世業該屯丁內或有年老辭退或病故出缺卽於該丁子孫內選擇承頂若無人可補另行撤田募充不許私行典賣仍將頂充姓名詳註檔冊以備稽查等語臣等伏查安設屯丁原以捍衛苗疆自應嚴加訓練咸成勁旅據該撫奏稱耕種之丁不能照營規操演請於每年收割以後自十月初一日起至次年正月底止逢三六九日開操仍於春夏秋三時農隙之際不時演習其備戰各丁既無事於耕種應即照營制于每年七月初一日起至次年四月底止責成管帶屯弁按三六九日

湖南在防屯政考 卷五
勤加訓練倘各丁內有農業不勤技藝不熟以及不守營規酗酒
滋事擅離營伍情事許廳員分別究革倘百總等有心徇隱及屯
弁失察徇縱卽一併懲處仍令道廳隨時查察若不實力稽查照
例分別參處等語均應如該撫所奏辦理至授田各丁多係捐戶
子弟及出力之丁勇自應令其且耕且守奉爲世業應令該撫於
該屯丁內或有年老辭退及病故出缺卽於該丁子孫內選擇承
頂倘無人可補另行撤田募充不許私行典賣

一該撫等奏稱嚴禁民人擅入苗寨索詐欺凌以期民苗相安也
查舊例民人原不准擅入苗地自乾隆二十九年以苗人向化日
久准與內地民人姻婭往來漸資化導而日久弊生苗人遂藉口

客民盤剝侵佔糾結滋事現在苗民界址劃分清楚應申明舊例
漢民仍不准擅入苗寨私爲婚姻以免滋事惟各處集場原許民
苗按期趕趁應令汛屯員弁親爲彈壓無許市僧侵欺其有苗人
控訴詞訟卽令苗弁傳送秉公審結不許擅差兵役入寨倘有奸
民無故擅入苗地及不肖兵役私入索擾立卽懲究廳縣營汛失
于查察亦分別參處等語臣等伏查鳳凰等廳縣民苗雜處邊隙
易生從前原禁止往來嗣因苗人馴伏有年始有與內地民人約
爲婚姻以及在內開墾等事遂至苗人藉口侵欺糾結滋擾現在
苗境肅清不可不防其漸應如該撫所奏此後仍不許漢民擅入
苗地惟各處集場仍准其按期趕趁並飭令汛屯員弁親加彈壓

至苗人詞訟卽令苗弁傳送不許兵役入寨倘有奸民擅入苗地及兵役索擾卽懲辦該管官員失于覺察亦卽參處

一該撫等奏稱清查叛產佔田分佃收租贍給苗兵也查本年勦洗永綏各處苗匪之後羣苗震懾兵威將從前強佔田地盡數繳出並查有逆苗叛產酌議一併歸公分佃良苗承種納租卽可挑畱苗兵以資養贍現在各寨繳出佔田逐一清丈共田地三萬一百餘畝並清查逆苗叛產亦丈收田地五千四十餘畝共三萬五千一百餘畝俱經分別造冊分佃收租計可養贍苗兵五千名所有歷年裁存土塘苗兵九千九百餘名內有可以自行謀生裁令歸寨及老弱窮苗一體撥田承佃外現在挑畱壯健苗兵五千名

內鳳凰廳二千名乾州廳八百名永綏廳一千八百名古丈坪廳一百名保靖縣三百名其苗人應繳租糧經各苗弁於苗寨內自行擇地建倉以備收貯每倉公舉殷實苗弁二三名專司催收支放計前項田地三萬五千餘畝約計每年可收籽粒二萬二千餘石每苗兵一名歲給口糧三石六斗每年共需糧一萬八千石計尙餘籽粒四千餘石積存苗倉以備撥補併爲加給苗兵閏月口糧之需仍飭該苗備弁將每年收得租數據實具報等語臣等伏查永綏廳各處清查各苗佔田叛產共田地三萬五千一百餘畝據該撫察核情形將節年裁存土塘苗兵九千九百餘名除分別佃田歸寨外餘仍酌畱苗兵五千名卽將此項田畝分佃良苗納

擢各在案現在各路田畝俱已均丈清楚分撥屯守邊防嚴固其鄉勇苗兵業經全行停支鹽糧工食一切均臻妥善伏查各廳縣士民因沿邊建設礮卡分佈兵勇捍衛藩籬民戶始得歸復慮及兵勇陸續裁撤邊備仍致空虛遂倡議均出田畝募勇屯守固各爲自衛身家起見而其好義急公情殷守望實堪嘉尚各士民內有首先捐產爲眾人倡率並能始終經理其事妥善葺功而核其人之才具又有可觀自應懇

恩量加優敘其餘當視捐田之多寡分別等次應將捐田四百畝以上及二百畝以上者分別二等酌請

旌獎此外捐田二百畝以下者人數稍多請由奴才**給予匾額其捐田**

在百畝以下者爲數更多應飭建碑題名以光鄉里至經辦邊防均屯各員弁本屬分內應爲之事仰惟

聖主微勞必錄未敢壅於上

聞自應擇其有出力較久勤績最著者分別懇請施恩用昭覈實而杜冒濫今奴才親歷苗疆據辰沅道傅鼐分開名摺稟呈核辦該道綜理邊防一切持以公正是以眾心悅服自不致稍有偏抑復就近體訪詳加甄別所舉實皆平允惟有仰懇

皇上逾格鴻慈俯准分別獎勵庶各士民渥沐

恩榮更足以發其敦睦之心而出力員弁頂戴

天恩益當勉圖報効其餘苗疆文武亦必共知觀感奮興于地方諸務

均多裨益理合恭摺具奏奉

上諭阿林保奏查明倡首均田最多之士民及歷年經理出力各員弁懇請加恩獎勵一摺並分晰開單進呈湖南苗疆籌辦均田屯勇各廳縣士民踴躍樂從或首先倡捐始終經理均屬好義急公殊堪嘉尙其三廳文武員弁及委員等分司勦辦一切均臻妥善自應照所請分別加恩俾知奮興觀感所有單開出力士民內候補教職周明珠著以知縣卽行選用武生閔宏端著以新設屯千總補用候選訓導陳宗璧著以訓導卽行選用布政使理問職銜陳朝咏六品頂戴職員滕紹光均著賞給五品頂戴從九品職員陳建達生員楊世敖唐自建均著賞給六品頂戴生員田祖範田興堂楊濬均著賞給八

品頂戴捐田較多之生員艾建詢宋大章武生傅祖仁民人姚桐均著賞給五品頂戴貢生李孟賢楊恢鄧璵從九品職員莫持璜生員楊再傳吳基楊際泰監生周配濂民人楊竹黃萬林均著賞給六品頂戴其出力員弁內候補知府同知王廷瑛著以知府卽行選用典史陳廷柱從九品王覺均著以苗疆縣丞經歷分別升補經歷莊心簡縣丞胡鈞均著以應升之缺升用守備許望文著以苗疆都司卽行升用候補千總吳貴著加守備銜以新設屯千總補用候補州判鄭人紀候補從九品管景牧試用縣丞張鴻咸試用教職王占魁均著以相當之缺儘先補用革職典史高煥著開復原官畱楚補用同知褚爲章遊擊葛士鳳于天祿唐光盛都司藍枝鳳均著交部議敘

以示鼓勵阿林保摺併發欽此

湖廣總督汪志伊
湖南巡撫景安
奏為酌核均屯未盡事宜章程七條摺
嘉慶十二年

會奏籌議均屯未盡事宜章程七條摺

嘉慶十二年

湖廣總督汪志伊
湖南巡撫景安

奏為酌核均屯未盡事宜籌議完備恭摺奏請

聖訓事竊照湖南苗疆均田屯勇經前撫臣阿林保酌定經久章程奏

蒙

聖鑒聲明一切未盡事宜次第酌籌核辦在案

奴才

於上年八月到任

後適辰沅道傅鼐因公來省

奴才

隨詳加詢問據稱此次辦理均

屯係就均出歸公田畝分別布置其中應行籌辦之事尚多如原

均田畝多在高阜并傍近溪澗每遇春夏山水暴發往往衝刷甚

至石堆沙壓屯丁既誤耕作即虞乏食經費亦有支絀必應預籌

修復撥補之需又從前均出歸公田六萬一百餘畝除分授之外祇餘田九千四百餘畝原議召佃收租以充公費今試行以來約計每年不敷三四千兩又屯弁經管一切屯務地廣事繁照料難周尙須添設屯長幫同經理又各路丁勇內有出力多年並經均出田畝因年老患病辭退家無及歲子弟不能挑丁及從前有業之家被苗佔據嗣經收復全數歸公現在並無成丁之人均應量給養贍田畝以示體卹又原設苗兵五千名每名日給稻穀雜糧一升其中尙有不敷而凡遇操演調用所需子藥等項亦未置辦俱應一併籌備他如勵練勇以成精銳興文教以格愚頑皆當因時籌辦俾臻完善等語奴才查所議各條均屬屯防要務但必需

妥籌經費方可次第舉辦並據該道面稟查永綏廳六里沿邊尙有無糧荒土曾于上年委員查勘就近分撥屯丁窮苗逐漸開墾俟成熟後丈明確數卽可撥用並查三廳沿邊一帶內有民戶田土前被苗人佔據民人知難歸復卽以賤價當給苗人迨後劃清民苗界址苗人因出有微價不卽退繳現據各苗備弁以此等田土均在收復歸公田分內不便仍令苗人佔種且當日所出當價不及買價十之一二苗人耕種年久獲利已多現在眾苗情願呈出當契將原田悉數退繳歸公並據苗守備龍八月麻老貴率同各苗弁屢次赴道呈稟據稱各寨挑畱苗兵五千名日給稻穀雜糧一升內有未諳農務不能佃田貼補日食尙有不敷必須加給

口糧如遇操演調用所需子藥火繩等項亦應預爲置辦該弁等仰沐

皇恩

無可報効公議願將自己業田諒力均出備用又查各寨苗人未經懾威以前曠悍之徒將苗人田土恃強霸佔遂致糾眾仇殺爭奪不休今已真心嚮化未便仍畱後釁情願一併呈請歸公永杜爭端察其情詞實出至誠自應准其分別呈繳備充公用統容斟酌籌辦稟請示遵等情查該道辦理屯防諸務盡力經營心思極爲周到且十餘年來深得眾苗之心必能經理盡善當囑其妥協酌辦年餘以來據將一切事宜隨時稟商復經奴才分晰指示去後茲據該道詳稱所墾荒土業已成熟現查堪種雜糧者共計一

萬餘畝俱於本年佃給原墾之人承種每年可得租糧三千餘石隨時變價以備水衝沙壓屯田給予修復工本並接濟丁佃口糧之用其苗人原當民田業於嘉慶十一年秋收以前據苗弁盡數清出情願呈繳不敢請領當價但甫經向化更當加以體卹是以將是年所收租穀悉行發給以作當價其中尙有不敷于道庫備儲項下暫借銀五千兩按數補足取有領狀並繳出當契存案眾苗益形悅服現計共贖回田一萬五千五百餘畝應卽按照各項需費分別酌撥佃種收租以公濟公所借道庫銀兩卽于此項歲收田租內分作五年先行歸還又據苗備弁將自己業田均出三千畝並呈繳苗估苗業計田土四千餘畝均按照苗例交租以爲

淮南直隸州志 卷五
加給苗兵口糧等項之需以上各項均請於嘉慶十三年爲始按
年核實造報現與鎮協廳縣及委員等悉心集議酌擬條款詳請
具奏前來奴才覆加查核並與在省司道詳悉酌議均屬必應籌
備之事其所墾荒土以地利之有餘補經費之不足卽苗人之退
繳當田本屬民戶之業當日僅出微價耕種已逾十年所獲租利
數倍於本今既自願呈繳又經按數給還原價於苗人並無虧損
其原業民人或挑丁授田或充勇支食鹽糧均已得所亦無向隅
至苗弁均出田地並眾苗呈繳所佔苗業悉係出於情願且佃給
窮苗承種交租備充苗兵公用仍屬以苗濟苗今因得此田土一
切寬爲布置既無需另籌經費而屯防全局悉臻完備從此遵循

妥辦可期經久不敝苗疆永慶敕甯足副

聖主慎重邊陲籌畫萬全之至意也理合會同湖廣總督臣汪志伊恭
摺具奏並繕具條款清摺敬呈

御覽伏乞

皇上睿鑒訓示遵行再辰沅道傅鼐屢奉

諭旨飭令給咨赴部引

見續經前撫臣阿林保奏明俟鳳凰廳同知姚興潔回任後再令進京
本年夏間姚興潔回任正值籌辦均屯未盡事宜不能起程今章
程甫定尙須該道經理數月以歸周妥容俟辦理就緒卽行給咨
該道赴部合併陳明謹

畝以資撥補查永綏六里近邊之地尙有無糧荒土前因苗情曠悍不能清理以致廢棄嗣於嘉慶十年春閒勦辦懾威之後陸續收復當經委員查勘就近分撥屯丁窮苗開墾以盡地利現據屯苗各弁具報開墾成熟堪以播種雜糧者一萬餘畝俱於十二年佃給原墾之人耕種如遇收成豐稔約計每年可獲雜糧三千餘石應將此項租籽存貯公倉隨時酌量變價遇有水衝沙壓應行修理之田責成廳縣率同屯弁勘報由道確核給以開修工本並爲接濟丁佃口糧如是年並無衝刷及衝刷無多卽將餘租歸于餘田租穀項下充公備用仍將每年所收租籽及動存各數按年核實報銷如此辦理則原授屯田修理有資不致廢棄而丁佃亦

無虞乏食矣

一屯防經費不敷應增撥田畝以免支絀也查均屯經久章程案內餘田九千四百一十畝計收租穀九千四百一十石變價以充經費除支給屯弁分例銀兩外凡丁勇操防子藥紅白惠賞并修葺碶卡倉廩及倉書斗級工食等項爲數甚繁每年已不敷銀三千餘兩又各廳縣民戶均出田畝每年應納正耗錢糧共需銀七百餘兩該丁勇等終歲所獲僅敷口食如再令納糧未免拮据應請官爲完解以示體卹二共不敷銀幾及四千兩現於道庫儲備項下通融墊發亟須照數歸還若不另籌款項殊形支絀應卽在官贖田一萬五千五百餘畝內撥出四千畝佃種收租變價以資

每年添補仍按年附入餘田租穀收支冊內分項報銷以歸核實則一切經費無虞缺乏而邊防益昭周密矣

一屯防地廣事繁應酌畱屯長以資熟手經理也查苗疆均田屯勇事屬創始各處田地寬廣民戶均出之產畝分畸零非能熟習地方情形難免移坵換段混淆滋弊前於各廳縣矜士民人內擇其公正勤慎明白諳練者舉充首士給以鹽糧隨同委員清丈造冊並分管公倉收發屯穀年來承辦一切最爲得力現屆均屯告歲此項人等係各廳縣土著並有倡首均田奏蒙

恩旨

賞給頂戴之人辦事頗爲急公且於此疆彼界皆所周知丁田民田到處交錯遇有軛轄之處伊等易於清釐此時雖已新設屯弁

各有操防之責其餘經管倉穀清查坵段催收租籽支發口糧並修葺碓卡要工實難一一兼顧應將各首士改爲屯長仍令幫辦屯務並設總屯長稽查統率以專責成計鳳凰乾州永綏古丈坪四廳保靖麻陽瀘溪三縣地方遼闊應設總屯長四十名散屯長一百六十名方足以資經理惟是該屯長等既令辦公亦應酌給田畝今擬總屯長每名授田十五畝計需田六百畝散屯長每名授田七畝五分計需田一千二百畝共需田一千八百畝亦應於官贖田內撥畝撥給由道給發委牌飭將一切屯務及屯倉租穀協同屯弁妥爲辦理如遇有事故及年老辭退所遺田缺仍令士民公舉熟悉屯防之人頂充由各該廳縣詳道驗補年終造報於

屯防事務便有裨益
一老幼各丁應撥給養贍田畝以示體卹也查鳳凰乾州永綏三廳及古丈坪保靖二廳縣原奏額設屯丁七千名練勇一千名應挑選年力精壯之人以備守戰其有年已就衰或染患疾病須隨時撤退另選補充但此等丁勇俱係每年打仗出力及急公均田之人一經撤退生計維艱更有本身已故例得於其子弟補充而其子弟年未及歲不能充丁者並有從前本係有業被苗佔據嗣經收復全數歸公現在家無成丁者均應酌給田畝以示體卹今擬設老幼丁二千名卽於官贖田內提撥三千畝每名分授田一畝五分俾可糊口如有病故及年已及歲挑丁將田撤回另補所

有田畝責成廳縣隨時報道開收按季造報毋任冒濫如此辦理則老幼疾病養贍有資無虞失所矣
一挑選技藝較優之練勇責令教習各丁酌請加給鹽菜並百總總旗應行籌給馬匹並製備鍋帳等項以備操演而示鼓勵也查鳳凰廳備戰練勇一千名歲支鹽菜口糧已有定額足敷生計其中技藝較優者應令其教習各丁俱成精銳自應量加鹽菜銀兩使其踴躍從事而各該散勇見挑選教習卽可多得鹽菜亦必羣希補充畱心演習久久習成勁旅查練勇內原設百總十名總旗二十名小旗一百名均係技藝出眾應再於散勇內挑選一百七十名共足三百名酌擬每名歲加鹽菜銀三兩六錢每年需銀

一千零八十兩遇閏按數加增又百總總旗三十名均應學習騎射擬給操馬三十四所需例馬草乾俱照營制支給並旗幟鍋帳等項亦應量爲製備共約需銀二千餘兩應於官贖田內分撥三千畝召佃收租變價照數動支俟購買馬匹並旗幟鍋帳等項製備齊全後只須隨時添補剩有餘租報明收貯以作修理器械工費及操演公費等項仍將每年收支各數核實造冊報銷似此量爲鼓勵則技藝益臻純熟而勇目等更得操演弓馬上進有階於禦侮守邊更有裨益

一應設書院義學以廣教育而資化導也查苗疆各廳縣僻在邊隅士習文風尙多舛陋前因苗變蕩析離居絃誦之聲益少嗣雖

安堵生計稍艱尙不能專心誦讀必爲廣修文教庶以振起休風今擬於鳳凰乾州永綏三廳及瀘溪麻陽保靖等縣各設書院一所慎選師儒教迪考取民苗生童肄業以資造就其各處練勇屯丁荷戈負耒耕守辛勤所有子弟無力從師終於愚魯議於各屯分設義學五十館令其就近課讀至各苗寨向化輸誠鎗械已收頑心頓格若不於此時教以詩書禮義究無以約束身心擬於額設義學外再於適中寨落增設五十館令其一體讀書並於朔望宣講

聖諭廣訓庶僻壤山陬之地風俗日臻醑良其書院膏火束修因地制宜鳳凰廳議束修膏火田五百畝永綏廳四百畝乾州瀘溪麻陽

保靖四廳縣各三百畝共需田二千一百畝屯苗義學計添設一百館每館給稻穀十六石共需田一千六百畝計需田三千七百畝俱在於官贖田內動撥仍選殷實公正紳士及總屯長安爲經理責成道廳縣隨時稽查年終造冊轉報如此辦理則民苗咸知樂羣敬業進取有資而風俗更爲丕變矣

一苗兵口食不敷應酌籌加給并製備子藥火繩等項以資飽騰而備操演調遣也查鳳凰乾州永綏古丈坪保靖五廳縣挑畱苗兵五千名議以各廳縣苗人呈出估田叛產佃給窮苗認種分租爲苗兵口糧業經遵照奏案辦有成效惟各寨挑畱苗兵前經奏定每名日給稻穀雜糧一升口食原屬不敷內有習於耕作者可

以佃田貼補其有身力强壯搜捕勇往而於農務未諳者尙需加給口糧如遇操演調用所需子藥火繩號衣號帽等項亦應預爲置辦現在苗弁等頂感

皇恩

情殷報効願將自己業田呈出三千畝又據查出各寨苗人歷年爭估田土四千餘畝因真心嚮化不欲仍畱罅隙公議一併呈請歸公現計共呈出田土七千餘畝應仍令苗人佃種徵收責成苗弁妥爲經營豐稔之年可收稻穀雜糧五千餘石擬於苗兵內察其平日出力實在不習耕作者挑出一千名每名日加稻穀雜糧一升以果其腹歲需三千六百石其餘一千四百餘石並爲酌製子藥號衣號帽等項附貯官局凡遇操演調遣該苗備弁稟請該

管廳縣給發隨用隨繳其所加口糧及製辦各項經費按年核實造報現已飭派委員查丈另造田土及苗弁目花名各冊存案自此各苗寨爭端杜絕可共相安於無事而苗兵口食有資無虞缺乏且羣知苗弁出田添補自必益遵約束更可得其巡緝之力邊防彌形鞏固矣

前案部覆

嘉慶十二年十一月准咨

戶部等部謹

奏為遵

旨議奏事內閣鈔出湖南巡撫景安具奏湖南苗疆均田屯勇前經陞任巡撫阿林保酌定經久章程奏蒙

聖鑒聲明一切未盡事宜次第酌籌核辦在案茲據辰沅道傅鼐稟報均屯田畝分別佈置其中應行籌辦如均田多在高埠傍溪每遇春夏山水暴發衝刷沙壓屯丁誤耕乏食必應預籌修復撥補之需從前均出歸公共田六萬一百餘畝除分授之外餘田九千四百餘畝原議召佃收租以充公費每年尚不敷銀三四千兩又屯

弁經管屯務尙需添設屯長幫同經理又各路丁勇有年老患病辭退家無及歲子弟不能挑丁及從前有業之家被苗佔據嗣經收復歸公並無成丁之人均應量給養贍田畝以示體卹又原設苗兵五千名每名日給稻穀雜糧一升其中尙有不敷凡遇操演調用所需子藥等項亦未置辦俱應籌備他如勵練勇以成精銳興文教以格愚頑皆當因時籌辦茲查永綏廳尙有無糧荒土業已開墾成熟田一萬餘畝又借道庫銀五千兩贖回苗當民田一萬五千五百餘畝應按照各項需費分別酌撥所借道庫銀兩於此項歲收田租內分作五年歸還又據苗備弁將自己業田均出三千畝併呈繳苗佔田四千餘畝均按照苗例交租以爲加給苗

兵口糧等項之需以上各項均請於嘉慶十二年爲始按年核實造報理合會同湖廣總督汪志伊合詞恭摺具奏等因嘉慶十

二年九月二十二日奉

硃批該部議奏欽此欽遵於九月二十五日鈔出到部等會查嘉慶十年十一月內陞任湖南巡撫阿林保等奏報苗疆丈收均田六萬一百餘畝除分授屯丁承種及提作練勇鹽糧共田五萬六千九百九十九畝外尙餘田九千四百餘畝召佃收租備充公費酌擬條款章程經等按款議復其未盡事宜行令酌籌核辦在案茲據湖南巡撫景安等奏報酌議完備章程七條等查均田分別布置原爲綏靖苗疆起見自須立法周詳以期經久無弊今永綏廳

無糧荒土開墾成熟田一萬餘畝贖回苗當民田一萬五千五百餘畝又苗備弁自行均出田三千畝並呈繳苗估田四千餘畝該撫等於前議未盡之處復請添設撥補水衝修費添補每年經費不敷酌畱屯長以資熟手養贍老幼以示體卹酌加鹽菜以示鼓勵並設書院義學製備子藥火繩等款臣等按所奏七條悉心核議俱屬必須之款均應如所奏辦理惟收支一切確數若不報部恐啟侵挪之弊應令年終分別造具細冊送部查核謹將核議七條緣由另繕清摺恭呈

御覽是否有當伏候

皇上訓示遵行謹

奏奉

旨依議欽此

清江府志卷五
之人耕種如遇收成豐稔約每年可獲雜糧三千餘石應將此項租籽存貯公倉隨時變價如有冲壓應行修理之田責成廳縣屯弁勘報由道確核給以開修工本並爲接濟丁佃口糧如是年並無冲刷即將餘租歸於餘田租穀項下充公備用仍將每年所收租籽及動存各數按年核實報銷等語臣等查苗疆山溪屯田每當春夏之交山水冲刷必須一二年方能修復自應另籌田畝撥補據該撫等聲稱永綏廳現有墾熟荒土一萬餘畝每年可獲雜糧三千餘石請將此項租籽變價遇有冲壓應行修理之田給以修本如無冲刷餘租歸公應如該撫等所奏辦理仍將此項成熟田畝每年所獲租糧及撥給修本各實數於年終造冊送部查核

一該撫等奏稱屯防經費不敷應增撥田畝以免支絀也查均田經久章程案內餘田九千四百一十畝計收租穀九千四百一十石變價以充經費除支給屯弁分例銀兩外凡丁勇操防子藥紅白惠賞等項爲數甚繁每年已不敷銀三千餘兩又需官爲完解均出田畝每年應納正耗錢糧銀七百餘兩現於道庫儲備項下通融墊發亟須照數歸還若不另籌款項殊形支絀應卽於官贖田一萬五千五百餘畝內撥出四千畝佃種收租變價以資每年添補仍按年附入餘田租穀收支冊內分項報銷以歸核實等語臣等查經久章程案內餘田九千四百一十畝收穀九千四百一十石變價以充經費除支給屯弁分例銀兩外尙多不敷據該撫

等聲稱應於官贖田一萬五千五百餘畝內撥出四千畝佃種收租變價以資每年添補仍按年附入餘田租穀冊內分款報銷應如該撫等所奏辦理仍將每年收支細數分晰造冊並道庫墊發銀兩卽行歸款一併報部查核

一該撫等奏稱屯防地廣事繁應酌畱屯長以資熟手經理也查苗疆均田屯勇事屬創始各處田地寬廣民戶均出之產畝分畸零非能熟悉地方情形難免移坵換段混淆滋弊前於各廳縣紳士民人內舉充首事分管公倉收發屯穀現屆均屯告蒞此項人等係各廳縣土著頗爲急公應將各首事改爲屯長仍令幫辦屯務並設總屯長稽查董率以專責成計鳳凰乾州永綏古丈坪四

廳保靖瀘溪麻陽三縣地方遼闊應設總屯長四十名散屯長一百六十名方資經理惟是該屯長等旣令辦公亦應酌給田畝今擬總屯長每名授田十五畝計需田六百畝散屯長每名授田七畝五分計需田一千二百畝共需田一千八百畝亦應於官贖田內按畝撥給由道繕發委牌飭將一切屯務及屯倉租穀協同屯弁妥爲辦理如遇有事故及年老辭退所遺田缺仍令士民公舉熟悉屯防之人頂充由道驗補年終造報等語臣等查屯防均田自應令人妥爲經理今將首事人等改爲屯長仍辦屯務並設總屯長四十名散屯長一百六十名酌給總屯長每名田十五畝計六百畝散屯長每名田七畝五分計田一千二百畝共田一千八

湖南鳳凰屯正考 卷五
百畝據該撫等聲稱應於官贖田內撥給如遇有事故及年老辭退所遺田缺仍令公舉熟習屯防之人頂充應如該撫等所奏辦理仍於年終造具花名清冊送部查核

一該撫等奏稱老幼各丁應撥給養贍田畝以示體卹也查鳳凰乾州永綏三廳及古丈坪保靖二廳縣原奏額設屯丁七千名練勇一千名應挑選年力精壯之人以備戰守其有年已就衰或染患疾病隨時撤退另選補充但此等丁勇一經撤退生計維艱應酌給田畝以示體卹今擬額設老幼丁二千名卽於官贖田內提撥三千畝每名分授田一畝五分俾可餬口如有病故及年已及歲挑丁將田撤退另補所有田畝責成廳縣隨時報道開支按季

造報等語_臣等查湖南鳳凰乾州永綏三廳及古丈坪保靖二廳縣前據該撫奏明額設屯丁七千名練勇一千名於歷年打仗出力及急公均田丁勇內擇其年力精壯之人挑選以備戰守等因奏准在案今該撫等奏稱此等丁勇俱係歷年打仗出力及急公均田之人其有年衰患病卽應隨時撤回另選更有本身已故其子弟年未及歲不能挑補充丁一經撤回生計維艱請酌給田畝以示體卹等語_臣等查該勇丁等俱係奏准額缺與各省鄉勇自衛村莊者不同現據該撫聲稱該丁勇等歷年打仗出力此中有年老患病及子弟幼小不能頂補名糧者自應如該撫所奏給與養贍以廣

皇仁並令該撫督飭該管各官務須確查實係打仗出力年老患病及子弟幼小不能挑補充丁者方准給與養贍如有病故及子弟年已及歲續經挑補名糧者卽行撤退養贍隨時報部查核以杜冒濫其酌給田畝亦應如該撫等所請於官贖田內提撥三千畝每名分授田一畝五分仍令造具花名細冊報部備查

一該撫等奏稱挑選技藝較優之練勇責令教習各丁酌請加給鹽菜並百總總旗應行酌給馬匹並製備鍋帳等項以備操演以示鼓勵也查鳳凰廳備戰練勇一千名歲支鹽菜口糧已有定額足敷生計其中有技藝較優者應令其教習各丁俱成精銳自應量加鹽菜銀兩使其踴躍從事查練勇內原設百總十名總旗二

十名小旗一百名均係技藝出眾應再於散勇內挑選一百七十名共足三百名酌擬每名歲加鹽菜銀三兩六錢每年需銀一千零八十兩遇閏按數加增又百總總旗三十名均應學習騎射擬給操馬三十四匹所需例馬草乾俱照營制支給並旗幟鍋帳等項亦應量爲製備共約需銀二千餘兩應於官贖田內分撥三千畝召佃收租變價照數動支俟購買馬匹並旗幟鍋帳等項製備齊全後只須隨時添補賸有餘租報明收貯以作修理工價及操演公費等項仍將每年收支各數核實造冊報銷等語臣等查該撫奏稱百總總旗三十名均應學習騎射擬給操馬三十四匹應如該撫所奏准其照數擬給外仍令該撫將此項擬給操馬價值

及購買日期造冊送部查核其所需旗幟鍋帳等項應令該撫卽將應製數目報部到日再行核辦至所奏鳳凰廳備戰練勇一千名歲支鹽菜口糧前據陞任巡撫阿林保奏准在案今練勇內原設百總十名總旗二十名小旗一百名復於散勇內挑選一百七十名共三百名令其教習各丁每名歲加鹽菜銀三兩六錢遇閏加增又百總總旗三十名擬給操馬三十匹所需例馬草乾照營制支給並旗幟鍋帳等項應量爲製備據該撫等聲稱應於官贖田內分撥三千畝召佃收租變價照數動支俟購買馬匹及旗幟鍋帳等項製備齊全後只須隨時添補贖有餘租報明收貯以作修理器械工價及操演公費等項均應如該撫所奏辦理仍將每

年徵租變價以及支用何項各數目餘贖若干按年分晰造具細冊報部查核

一該撫等奏稱應設書院義學以廣教育而資化導也查苗疆各廳縣僻在邊隅士習文風尙多舛陋必爲廣修文教庶以振起休風今議於鳳凰乾州永綏三廳及瀘溪麻陽保靖等縣各設書院一所慎選師儒教迪考取民苗生童肄業以資造就其各處練勇屯丁荷戈負耒耕守辛勤所有子弟無力從師終於愚魯議於各屯分設義學五十館令其就近課讀至各苗寨向化輸誠鎗械已收頑心頓革若不就此時教以詩書禮義究無以約束身心議於額設義學外再於適中寨落增設五十館令其一體讀書並於朔

聖諭廣訓庶僻壤山陬之地風俗日臻良美其書院膏火束脩因地制宜鳳凰廳議束脩膏火田五百畝永綏廳四百畝乾州瀘溪麻陽保靖四廳縣各三百畝共需田二千一百畝屯苗義學計添設一百館每館計稻穀十六石共需田一千六百畝二共需田三千七百畝俱在於官贖田內動撥仍選殷實公正紳士及總屯長妥爲經理責成道廳縣隨時稽查年終造冊轉報等語_臣等查鳳凰等廳縣僻在邊隅文風夙陋練勇屯丁子弟無力讀書各苗寨向化輸誠宜加訓迪現據該撫請設書院及義學之處核與例案相符應如所請鳳凰乾州永綏三廳瀘溪麻陽保靖等縣各設書院一

所各屯分設義學五十館適中苗寨再設五十館其書院束脩膏火義學穀石共需田三千七百畝亦應如所請准其在於官贖田內動撥年終造冊報部核銷

一該撫等奏稱苗兵口食不敷應酌籌加給並製備子藥火繩等項以資飽騰而備操演調遣也查鳳凰乾州永綏古丈坪保靖五廳縣挑畱苗兵五千名議以各廳縣苗人呈出佔田叛產佃給窮苗認種分租爲苗人口糧業經遵照奏案辦有成效惟各寨挑畱苗兵前經奏定每名日給稻穀雜糧一升口食原屬不敷內有習於耕作者可以佃田貼補其有身力强壯搜捕勇往而於農務未諳者尙須加給口糧如遇操演調用所需子藥火繩號衣帽等

項亦應預爲置辦現在苗弁等項感

皇恩情殷報効願將自己業田呈出三千畝又據查出各寨苗人歷年爭佔田土四千餘畝因真心向化不欲仍畱衅隙公議一併呈請歸公現在共呈出田土七千餘畝應仍令苗人佃種徵租責成苗弁妥爲經管豐稔之年可收稻穀雜糧五千餘石擬於苗兵內察其平日出力實在不習耕作者挑出一千名每名日加給稻穀雜糧一升以果其腹歲需三千六百石其餘一千四百餘石並爲酌製子藥號衣號帽等項附貯官局凡遇操演調遣該苗備弁稟請該管廳縣給發隨用隨繳其所加口糧及製辦各項經費按年核實造報等語臣等查鳳凰等廳縣挑畱苗兵五千名原奏每名日

給口糧稻穀雜糧一升本屬不敷內有力能耕作者可以佃田貼補而農務未諳者尙須加給口糧如遇操演所需火藥等項亦應預爲置辦據該撫等聲稱各寨苗人呈出共田七千餘畝仍令苗人佃種收租可收稻穀雜糧五千餘石擬於苗兵內將搜捕勇往不習耕作者挑出一千名每名日加給稻穀雜糧一升歲需三千六百石其餘一千四百餘石酌製子藥號衣號帽等項應如該撫等所奏辦理仍將呈出田畝每年徵租數目及挑出苗兵花名加給口糧製辦經費按年分晰造具細冊報部查核

